

新纂約章大全卷三

俄羅斯國部

丙文牘 目次

◎締約門

出使英俄法大臣曾奏遵 旨改訂俄約摺 光緒九年

駐俄大臣胡咨俄無外交專書購寄摺紳錄呈核文 光緒三十二年

◎交際門 設官類

南洋大臣咨美商代充俄領事應變通辦理文 同治五年

外務部照會俄派倪輯廷充牛莊領事已轉行遵照文 光緒三十一年

丙文牘 目次

◎締約門 期覲見俄親王摺 光緒二十八年

出使英俄法大臣曾請改給俄外部大臣寶星並 賞給俄員寶星摺 光緒二十九年

駐俄大臣胡咨俄無 類

◎交際門 設官類 遇有俄國紅十字會船隻進口按約辦理文 光緒三十年

南洋大臣咨美商代充十字會行之於水戰條約

外務部照會奉天俄紅十字會醫院已高明日員保護文 光緒三十一年

俄使雷照會旅歲華民身命財產已飭屬盡力保護文

光緒二十年

江海關道袁照會領袖領事俄艦阿斯哥爾單羅蘇華事請轉致公會文

光緒三十年

江海關道袁照會領袖領事起卸俄艦阿斯哥爾單羅蘇華軍械機器文

光緒三十年

◎畫界門

北洋大臣袁咨接收俄統領交還山海關衛遠礮臺等地呈請備案文

光緒二十九年

◎租借門 租建類

全權大臣李奏酌定天津俄國租界事款摺

光緒二十七年

吉林將軍長奏俄人擬租三姓所屬荒地作為碼頭及田莊牧廠議立草約摺

光緒二十

八年

外務部奏俄人擬租吉林三姓所屬拉哈蘇蘇荒地先立草約事多窒礙應請駁阻摺

光

緒二十八年

外務部咨俄人擬租吉林三姓所屬拉哈蘇蘇荒地先蓋房屋殊屬違約仍應駁阻文

光

緒三十年

新撫饒咨喀城俄領事購買民房為公所已由公家提款價買撥給文

光緒二十八年

◎通商門 貿易類

烏里雅蘇台將軍連奏請設中俄通商局摺

光緒二十八年

◎通商門 貨稅類

總署咨俄商運赴張家口牛皮等貨照內地土貨均應逢關納稅文 同治三年

總署咨俄商販出張家口牛皮等貨按陸路通商例不得運回銷售文 同治三年

總署咨俄產海菜議准減稅定期開辦文 同治六年

總署咨議定中俄新約內下等茶減稅辦法文 光緒八年

附錄給俄國照會

附錄俄國照覆

附錄俄國布使來函

總署咨俄產海菜區別等次核准定稅文 光緒十一年

附錄致俄公使博大臣函

北洋大臣袁咨俄商運貨往恰克圖納子口稅由關道填給三聯執照文 光緒三十年

◎通商門 稅則單照類

總署咨中國商民往俄界琿春須地方官給照領事加印文 光緒八年

附錄吉林將軍等來文

◎通商門 免稅類

外務部咨俄免海參崴埠稅仍舊征收文 光緒二十九年

外務部照會恰克圖運俄茶糖請飭照章免徵文 光緒三十年

◎通商門 船鈔類

總署咨俄船照法國新章納鈔文 同治四年

◎通商門 稽罰類

總署咨細茶圓餅勝報磚茶查出嚴行罰辦文 同治六年

附錄給俄國照會

三口大臣咨俄商運貨由張家口回國單貨相離照章扣留文 同治九年

◎通商門 內地商務類

口北道詳俄商請將貨封改道復查窒礙諸多未便文 同治十一年

外務部咨俄商在張家口請地蓋房並無妨礙即可照准文 光緒二十八年

察哈爾都統奎咨俄領請於滿濟布勒克境內給地蓋房以便住人堆貨文 光緒二十八年

年

津海關道詳俄商順豐洋行運磚茶經烏魯木齊關卡扣留應請轉咨放行文 光緒二十

九年

◎行船門 行船類

江海關詳俄商輪船碰沈民船溺斃人命追賠結案文

●禁令門

奉天將軍增咨俄商買地並非通商口岸飭令退價還地文 光緒二十九年

外務部照覆俄商由古城運茶赴伊犁不得在境內銷售文 光緒三十年

外務部咨俄員到蒙販買馬應轉飭查禁文 光緒三十年

外務部咨俄商開列戰時禁貨應轉飭查禁文 光緒三十年

外務部照會駐華俄使請禁俄軍勒買軍需文 光緒三十年

駐華俄使雷照覆外務部請禁日本招匪編伍文 光緒三十年

外務部照覆駐華俄使已查禁日本招匪編伍文 光緒三十年

外務部照會俄兵穿用華衣請飭嚴行禁阻文 光緒三十一年

外務部照會德商販運禁貨被扣入官事與俄無涉無庸俄領事會審文 光緒三十一年

外務部照會俄員在榆關驗貨有違中立條規文 光緒三十一年

南洋大臣魏札各關道申明俄國懲治私傳消息辦法文

●獄訟門 控斷類

伊犁將軍馬等會奏邊界歷年積案懇 派大員會同俄官清理摺 光緒三十年

●獄訟門 命盜類

商約大臣威咨俄艦火夫斧斃周生有一案俄員忽滅等治罪應將原案咨送駐使商辦

文

光緒三十一年

●獄訟門

捕務類

外務部札俄兵在小保吉巷滋事已經從重治罪文

光緒三十一年

附錄巡視五城察院原呈

●游學門

駐俄大臣胡咨留學俄國各項學校學生情形文

光緒三十一年

●傳教門

傳教類

豫撫陳咨革員范紹曾因案投教請飭革歸案辦理文

光緒三十一年

●償借門

外務部照會海參崴亂事華商被害請達政府賠償文

光緒三十一年

俄使璞照覆海參崴亂事華商被害已達政府核辦文

光緒三十一年

●鐵路門

外務部奏覆柳太鐵路商改合同摺

光緒二十八年

鐵路大臣盛奏山西正太鐵路請歸併總公司借款興造摺

光緒二十八年

外務部奏覆山西正太鐵路改訂合同摺

光緒二十八年

外務部奏請正太鐵路改用窄軌摺

光緒二十九年

出使大臣胡奏俄人建造東三省鐵路工竣情形摺

光緒三十年

出使大臣胡奏俄人建造東三省鐵路大概情形片

光緒三十年

吉林將軍長奏奏吉林自建枝路籌款不易仍歸公司修造摺

光緒二十九年

吉林將軍長奏重設哈爾濱鐵路交涉局並增改章程摺

光緒二十七年

黑龍江將軍薩奏重設鐵路交涉局並增改章程摺

光緒二十八年

●礦務門

新撫饒奏塔城金礦辦有成效並開辦東新興礦務摺

光緒二十七年

外務部奏吉林礦務華俄合股辦法摺

光緒二十八年

外務部奏吉林煤礦應令另議辦法片

光緒二十八年

黑龍江將軍薩附奏東省鐵路合同第六條應請申明專指煤礦而言片

光緒二十八年

外務部議覆黑龍江將軍薩奏鐵路需煤孔亟查照吉林原訂合同議立踏煤章程摺

光緒二十九年

光緒二十九年

外務部議覆黑龍江將軍薩奏俄員催辦江省礦務勉訂採苗草約摺

光緒二十九年

外務部議覆黑龍江將軍薩奏俄員覬覦漠河及雅魯河等處礦產密陳因應情形摺

●電政門

北洋大臣李奏與俄接連電綫定約摺

光緒十八年

外務部奏中俄陸路接綫展限續約畫押事竣摺

光緒二十八年

外務部照會俄國行軍電務處收遞商有違定章請查明禁止文

光緒二十九年

電政大臣袁等咨中俄接綫續約內有舛誤請為更正文

光緒三十年

新纂約章大全卷三

俄羅斯部

(丙)文牘

◎締約門

○出使俄英法大臣曾奏遵 旨改訂俄約摺光緒六年

奏為與俄國外部改訂條約章程遵

旨蓋印畫押謹將先後辦理情形恭摺具陳仰祈

聖鑒事竊臣於七月二十三日因俄國遣使晉京議事當經專摺奏明並電報總理衙門在案

八月十三日接准總理衙門電稱奉

旨著遵疊電與商以維大局次日又接電稱面奉

諭旨俄事日迫能照前旨爭重讓輕固妙否則就彼不強中國概允一語力爭幾條即為轉圜

地步總以在俄定議為要各等因欽此臣即於是日往晤署外部尚書熱梅尼請其追回

布策在俄商議其時俄君正在黑海熱梅尼允為電奏布策遂召回俄彼此往返晤商反

覆辯論疊經電報總理衙門隨時恭呈

御覽欽奉四月初五五月十九七月十七三十八月初五等日軍機大臣密寄

上諭令臣據理相持剛柔互用多爭一分即少受一分之害

聖訓周詳莫名感悚臣受

恩深重目擊時艱統籌中外之安危細察事機之得失苟獲稍酬高厚敢不勉竭駑庸無如上年條約章程專條等件業經前出使大臣崇厚蓋印畫押雖未奉

御筆批准而俄人則視為已得之權利臣奉

旨來俄商量更改較之崇厚初來議約情形難易迥殊已在

聖明洞鑒之中俄廷諸臣多方堅執不肯就我範圍彼各有忠於所事之心亦無怪其然也自

布策回俄後向臣詢及改約諸意臣即按七月十九日致外部照會大意分條繕具節略

付之布策不置可否但允奏明俄君意若甚難相商者臣屢向熱梅尼處催詢各條彼見

臣相逼太甚遂有命海部尚書呈遞戰書之說臣不得已乃遵總理衙門疊次電報言可

緩索伊犁全廢舊約熱梅尼又欲臣具牘言明永遠不索伊犁經臣嚴詞拒絕而微示以

伊犁雖云緩索通商之務尚可與商旋接外部照會除歸還帖克斯川外餘事悉無實際

爰據總理衙門電示分列四條照覆外部又與之事事面爭熱梅尼等嫌臣操之太蹙不

為俄少留餘地憤懣不平布策又以通州准俄商租房存貨暨天津運貨准用小火輪船

拖帶兩事向臣商論臣直答以原約之外不得增添一事雖其計無可施而蓄怒愈深矣

臣日夜焦思深恐事難就緒無可轉圜適俄君自黑海還都諭令外部無使中國為難於

無可讓中再行設法退讓但經此次相讓後即當定議云云外部始不敢固執前議於十

一月二十六日送來照會兩件節略一件第一照會言此次允改各條中國若仍不允則不得在俄再議且將外部許臣商改之事全行收回第二照會言交收伊犁辦法三條節略中則應敘允改之事約有七端臣請逐款詳其始末第一端曰交還伊犁之事查原約中伊犁西南兩境分歸俄屬南境之帖克斯川地當南北通衢尤為險要若任其割據則俄有歸地之名我無得地之實緩索之說誠屬萬不得已之舉否則

祖宗創業艱難百戰而得之土地豈忍置為緩圖臣奉

命使俄後通盤籌畫必以界務為重者一則以伊犁喀什噶爾兩境相為聯絡伊犁失則喀什

噶爾之勢孤此時不索再索更待何時一則以伊犁東南北三界均與俄兵相接緩索後不與議界恐致滋生事端若竟議界又嫌跡近棄地而又慮其得步進步伊犁雖已緩索而他事之爭執如故也嗣因挽留布策非將各事略為放鬆不可遂舍西境不提專爭南境相持不下始允歸還然猶欲於西南隅割分三處村落其地長約百里寬約四十餘里臣檢閱輿圖該處拒莫薩山口最近勢難相讓疊次厲色爭辯方將南境一帶地方全數來歸其西南隅允照前將軍明誼所定之界第二端曰喀什噶爾界務從前該處與俄接壤者僅正北一面故明誼定界祇言行至蔥嶺靠浩罕界為界亦未將蔥嶺在俄國語係何山名照音譯出寫入界約今則迤西安集延故地盡為俄踞分界誠未可索崇厚原約所載地名按圖懸擬未足為憑臣愚以為非

簡派大員親往履勘不可吉爾斯必欲照崇厚原議者蓋所爭在蘇約克山口也臣答以已定之界宜仍舊未定之界可另勘吉爾斯躊躇良久謂此事於中國有益非俄所求既以原議為不然不妨罷論臣慮界址不清則弊端易啟特假他事之欲作罷論者相為抵制布策又稱原議所分之地即兩國現管之地臣應之曰如此何妨於約中改為照兩國現管之地勘定乎最後吉爾斯乃允寫各派大臣東公勘定不言根據崇厚所定之界矣第三端曰塔爾巴哈台界務查該界經明誼奎昌等分定有年迨崇厚來俄外部以分清哈薩克為言於是議改考之輿圖已占去三百餘里矣臣每提及此事必抱舊界立論吉爾斯知臣必不肯照崇厚之議始允於崇厚明誼所定兩界之間酌中勘定專以分清哈薩克為主所稱直線自奎峒山至薩烏爾嶺者即指崇厚所定之界而言也日後勘界大臣辦理得法或不至多所侵佔以上界務三端臣與外部先後商改之實在情形也第四端曰嘉峪關通商允許俄商由西安漢中行走直達漢口之事總理衙門駁議以此條為最重疊議商務者亦持此條為最堅蓋以我之內地向無指定何處准西商減稅行走明文此端一開效尤踵至後患不可勝言外部窺臣著重在此許為商改及詢以如何商改之處則云須各大端商定再行議及臣親詣布策寓所告以事關全局儻不見允則餘事盡屬空談詞意激切布策言於吉爾斯於是允將嘉峪關通商仿照天津辦理西安漢中兩路及漢口字樣均允刪去不提第五端曰松花江行船至伯都訥之事查松花江面直抵吉

林愛瑛城定立條約時誤指混同江為松花江又無畫押之漢文可據致俄人歷年藉為口實崇厚許以行船至伯都訥在俄廷猶以為未能滿志也現將專條徑廢非特於崇厚新約奪其利直欲為愛瑛辯其誣臣初慮布策據情理以相爭無詞可對故擇語氣之和平者立為三策一徑廢專條二稍展行船之路於三姓以下酌定一處為之限制三仍允至伯都訥但入境百里即須納稅且不許輪船前往布策均不以為然適奉電

旨責

臣鬆動於是抱定第一策立言務期廢此專條布策猶糾纏不已吉爾斯恐以細故傷大

局不從其言遂允將專條廢去聲明愛瑛舊約如何辦法再行商定第六端曰添設領事之事查領事之在西洋各國者專管商業其權遠在駐紮中國領事官之下故他國願設者主國概不禁阻臣此次欲將各城領事刑去外部各官均以為怪隨將中國不便之處與之說明吉爾斯謂領事之設專為便商起見係屬賓主兩益之事中國既有不便即僅於烏魯木齊添設一員何如臣因其多方相讓礙難再爭而總理衙門電鈔編修許景澄摺

內稱科布多烏里雅蘇台烏魯木齊三處毋設領事其次爭烏魯木齊烏里雅蘇台兩處等語臣乃復見布策懇其商改節略內始將烏魯木齊改為吐魯番餘俟商務興旺時再議

添設第七端曰天山南北路貿易納稅之事新疆地方遼濶兵燹之後凋敝益深道遠則

轉運維艱費重則行銷益滯招商伊始必限以行走之路納稅之章商販實多未便閱總

理衙門來電嘗言收稅為輕臣因將原約內均不納稅字樣改為暫不納稅俟商務興旺

再訂稅章查西例納稅之事本國可以自主日後商情果有起色即伊犁等處亦不妨逐漸開徵以充國課以上商務四端臣與外部先後商改之實在情形也此外節略所敘則又有償款一端凡商改之事益於我則損於彼熱梅尼布策等本有以地易地之請臣稱約章事祇可議減不可議增彼遂謂中國各路徵兵顯欲構釁俄遣船備邊以相應耗費虛布一千二百萬圓向臣索價且言如謂未嘗交綏無索兵費之理則俄正欲一戰以補糜費等語臣答以勝負難知中國獲勝則俄國亦須償我兵費彼之言雖極恃強臣之意未為稍屈旋接總理衙門覆電臣斟酌許之至多不得逾二百萬兩又電言如無別項糾纏統計約五百萬兩償款即可商定云云臣見吉爾斯熱梅尼等始則爭易兵費之名繼則爭減代守伊犁償款之數久之熱梅尼謂遲一年收回伊犁又加還帖克斯川以代守費論至少亦須加虛布四百萬圓臣照會中但允加代守費虛布二百五十萬圓若并歸伊犁西境猶可略議增加吉爾斯不談西境僅稱連上年償款統算非虛布一千萬圓不可臣嫌為數過多吉爾斯笑曰俄國豈以地出售者果爾則以帖克斯川論之豈僅值五百萬圓乎不過改約多端俄國一無所得面子太不光彩假此以自慰耳臣察其意甚決乃言熱梅尼所說僅四百萬何得又增百萬吉爾斯無詞折辯故節略內仍以添償虛布四百萬圓定數查上年崇厚所議兵費償款虛布五百萬圓合銀二百八十餘萬兩此

五百萬兩以內 臣綜觀界務商務借款三大端悉心計較與總理衙門來電囑辦之意大略相同即摘錄照會節略大意電請總理衙門代

奏并與外部說明俟接奉電

旨後再行畫押一面與布策先行商議法文條約章程底稿逐日爭辯細意推敲稍有齟齬則隨時徑赴外部詳晰申說於和平商權之中仍示以不肯苟且遷就之意且以有益於中國無損於俄人等語開誠布公而告之於崇厚原訂約章字句陸續有所增減如條約第三條刪去伊犁已入俄籍之民入華貿易游歷許照俄民利益一段第四條俄民在伊犁置有田地照舊管業聲明伊犁遷出之民不得援例且聲明俄民管業既在貿易園外應照中國人一體完納稅餉并於第七條伊犁西境安置遷民之處聲明係安置因入俄籍而棄田地之民以防遷民雖入俄籍而仍有佔據伊犁田土之弊第六條寫明所有前此各案以防別項需索第十條吐魯番非通商口岸而設領事暨第十三條張家口無領事而設行棧均聲明他處不得援以為例以杜效尤第十五條修約期限改五年為十年章程第二條貨色包件下添註牲畜字樣其無執照商民照例懲辦改為從嚴罰辦第八條車腳運夫繞越捷徑以避關卡查驗貨主不知情分別罰辦之下聲明海口通商及內地不得援以為例凡此增減之文皆係微臣與布策商草法文約稿之時反覆力爭而得之者較之總理衙門三月十二日所寄廷臣奏定准駁之議雖不能悉數相符然合條約

章程計之則挽回之端似已十得七八此臣與吉爾斯布策等商量條約章程底稿於節略七端之外又爭得防弊數端之實在情形也十二月十七日接准總理衙門電示奉旨覽來電均悉該大臣握要力爭顧全大體深為不負委任即著照此定約畫押約章字句務須悉心斟酌勿稍疏忽餘依議欽此臣告知外部轉奏俄皇此邦君臣仰慕

皇仁同深欽感俄皇諭令外部允廢崇厚原定約章另立新約又飭催布策速行繕約畫押臣因節略七端之外所爭諸條字句尚未周妥日夜與布策晤談而筆削之直至光緒七年正月初九日始將法文約章底稿議定又彼此商訂漢文俄文條約章程各繕二分而將先訂之法文繕正二分以資考證逐條參酌校對無訛於正月二十六日與外部尚書吉爾斯前駐京使臣布策公同畫押蓋印訖電請總理衙門代奏仰慰宸厯伏念臣以非材膺茲重任深懼措施失當上負天恩幸蒙

皇太后

皇上指授機宜不責以強爭必行但責以羈縻無絕更喜總理衙門王大臣平心體察艱鉅周知遇事提撕遵循有自縱繫長較短仍不免顧此失彼之虞而酌理準情尚不悖爭重讓輕之義除鈔錄臣與吉爾斯熟梅尼布策疊次問答節略咨呈總理衙門存查并將條約章程各一件專條一件派駐俄頭等參贊官二品頂戴道員邵友濂齋回京師進呈

御覽請

旨飭下總理衙門覈議恭候

聖裁外謹將條約章程底稿先行鈔錄咨呈總理衙門察核所有與俄國外部改訂條約章程

遵

旨蓋印畫押緣由理合繕摺馳陳伏乞

皇太后

皇上聖鑒謹

奏

○駐俄大臣胡咨俄無外交專書購寄摺紳錄呈核文

光緒三十一年七月

為咨呈事案准本年二月初二日北洋大臣咨開自上年為始每年請購寄藍皮書二部來津等因又承准

大部本年二月十三日咨開前因本大臣承准此查各國外部所刻交涉往來公牘英有

藍皮書法有黃皮書日本有白皮書美有出使文牘近改名外交案各書或每年一冊或

每案一冊惟俄國並無此項專書蓋政策向主秘密辦法自又不同僅於每年所出摺紳

錄中選登條約數件或與各國公議之案選刻專案數宗而已本年俄摺紳錄甫於近日

出書茲購取上年與本年各二冊咨呈

大部查收除咨覆北洋大臣並將該書另行購寄外相應備文咨覆謹請
察核須至咨呈者

右咨外務部

◎交際門 設官類

○南洋大臣咨美商代充俄領事應變通辦理文 同治五年

為咨呈事據署湖北江漢關道王文韶詳奉劄開准

總理衙門咨據俄國公使照會內稱漢口前任領事官回國現換新領事別已經到任等
因曾於九月初六日抄錄照會咨貴大臣查照轉行該監督遵照並查明是否商人充當
分別辦理等因在案查漢口俄國領事回國託美國人名別列者代辦本衙門於本年
閏五月間接據湖廣總督咨文當即咨覆飭查去後茲據覆稱據漢黃德道鄭蘭詳遵查
代辦漢口俄領事之別列者即係前在九江之美領事別列子實係不通漢語其是否商
人充當並可否與之辦事尚待查視並聲明別列子雖不通漢語惟以美人而代俄國領
事來任之事究亦有限且係暫代之員可否准予代理等因據情咨復前來本衙門查別
列子前在九江充當美國領事因不通漢語於元年正月間照會美國公使更換在案茲
據漢黃德道查現在代辦俄領事之別列者即係其人而於是否商人充當並可否與之
辦事之處據稱尚待查視等因相應抄錄湖廣總督來文咨行查照轉飭該道詳查別領

事究竟是否商人充當可否與之辦事是否暫無更換之處詳由貴大臣酌核辦理仍咨復本衙門查照至未經查復之先該關與俄國交涉事件應如何辦理統由貴大臣飭知該關道遵照可也等因到本大臣承准此查漢口之代辦俄國領事別列是否商人充當前據江漢關道詳稱尚待查視係在七月內之事迄今數月自必查確可否與之辦事是否無庸更換不難核見茲准前因應即由江漢關道作速據實詳復以憑咨報飭遵其未經查復之先俄國如有交涉事件原不能因該國在漢者僅止阜通一行公事有限為詞若別列果係商人充當所有未經查復以前江漢關如與俄國有交涉事件暫不往來照會即與面為商辦似於公事不致掣肘除咨復

總理衙門外合行劄飭分別遵辦詳咨等因當即密為訪查並飭委員暗地查詢茲訪聞得別列者即別列子係美國琿記商人代充領事等情查各國商人照約不准兼充領事茲別列者以美商而代俄國領事於例已屬不符而美國領事官自去年沙德離漢後亦係別列者代理是直以本國商人而充本國領事尤屬窒礙難行仰乞咨明

總理衙門照會俄兩國公使各派真正領事官來漢辦理通商事務至此次已經查復以後未奉復示以前職關遇有與兩國交涉事件不能不變通辦理卷查同治三年鄭前道詳撤美國領事畢理格一案奉

總理衙門行知畢理格既以商人充當領事又復恃強妄為本衙門已知照以後該領事

如來謁見監督應不准其進見如以公文來投立即退回不收等因茲別列者尚不至恃強妄為似應稍為變通茲擬自此次查復以後至未奉復文以前兩國如有交涉事件則以信劄往還仍不與之照會並不准進見以示限制倘遇有通商事件知會各國不能不用照會者則書某國領事府存其國之官名而不著其官之姓氏以示慎重體制之意是否有當理合詳請核咨等情為此咨呈再此案前經本大臣酌定如有交涉事件即與面為商辦已屬曲示圓融若謂別列者現無恃強妄為情事改以信劄往還或予照會僅書某國領事不著姓氏固為因勢變通然一涉此等形迹直與照常辦事何異所有未奉復文以前凡有事件應仍與面為商辦除批示外合併咨明須至咨呈者

右咨呈總署

○外務部照會俄派倪輯廷充牛莊領事已轉行遵照文

光緒三十一年十二月

為照覆事接准

照稱本國政府擬派領事官前往牛莊現已派俄員倪輯廷接理該埠領事官事務請咨行

盛京將軍等情前來除由本部轉行

盛京將軍並劄行總稅務司轉飭遵照外相應照覆

貴大臣查照可也須至照會者

右照會俄使璞

◎交際門 禮文類

○外務部奏請 旨定期 覲見俄親王摺 光緒二十八年

奏為俄國親王來京請

旨定期

覲見恭摺仰祈

聖鑒事竊 臣等於本年四月二十四日准俄國使臣雷薩爾照稱本國大皇帝堂兄耆理勒親

王由大連灣乘坐兵船來京抵塘沽時應請

欽派大員前往迎迓耆理勒在京暫住數日極願將兩國睦誼面陳

皇太后

大皇帝前懇請

欽定日期

覲見等因當經 臣奕劻於二十五日面奏欽奉

諭旨派 臣聯芳前往塘沽迎接旋據該使臣雷薩爾而稱耆理勒於二十五日起程二十六日

晚間抵京屆時應由 臣奕劻至車站迎迓妥為接待該親王以在京暫住請將兩國睦誼

覲見面陳自係情殷修好相應請

旨定期准由該使臣雷薩爾偕同入

覲以遂其瞻就之忱至西國近支親王體制較崇應與各國使臣

覲見之儀有所區別恭候

命下_臣等即參酌中西規制妥訂禮節屆期帶領

覲見以昭優異所有俄國親王來京請

旨定期

覲見緣由理合恭摺具陳伏乞

皇太后

皇上聖鑒謹

奏 光緒二十八年四月二十六日奉

硃批著於五月初一日在乾清宮覲見欽此

○出使俄國大臣胡奏請改給俄外部大臣寶星並 賞給俄員寶星摺

光緒二十九年

奏為懇

恩改給俄外部寶星並擬請

賞給俄員寶星恭摺仰祈

聖鑒事竊查各國頒給寶星本以官職之大小定寶星之等第如頒給後該員官階升遷亦准

改給加等寶星以符品級而資佩帶現任俄外部大臣大學士兼參議大臣伯爵蘭姆斯
多甫前充副外部時經前頭等專使大學士李鴻章於光緒二十二年奏

賞二等第一寶星該大臣旋於二十六年升補外部大臣兼充參議大臣上年又特授大學士
數年之間洵躋樞輔官職已非昔比臣有時在使館請該大臣暨俄戶部大臣威特等宴
藉與周旋彼皆佩帶中國寶星而來以昭睦誼威特前於光緒二十一年業經

頒賞頭等第三寶星而外部尚未沐此

殊榮未免相形見絀且該大臣升任後各國均早有寶星之贈現在中俄輯睦有加臣使事忝
膺職在修好可否懇

恩改給俄外部大臣伯爵蘭姆斯多甫頭等第三寶星以敦和好而資聯絡出自

適格鴻施又庚子年京師與東三省同時擾亂海外謠傳不一輿情洶洶大有與使館尋仇之
勢賴俄官紳加意照料森彼得堡防兵巡捕晝夜巡邏認真彈壓得免無事該俄員等均
以邀

賞寶星為榮自應擇尤酌獎用廣懷柔擬請將俄外部東方股首領官柯樂斯託維次一員

賞給三等第一寶星俄都華俄銀行總辦璞克副將米勒副將阿斯塔斐甫三員

賞給三等第三寶星都司車瓦什甫斯基守備沙廓洛甫二員

賞給四等寶星巡捕兵官羅瑪諾甫巡捕兵官亦特廓甫二員

賞給五等寶星以上八員各無仰懇

天恩俯准賞給以示優異如蒙

俞允即由臣查照前案遵式製備以便就近交給所有懇

恩改給並擬請

賞給寶星緣由理合恭摺具陳伏乞

皇太后

皇上聖鑒訓示謹

交際門

優待保護類

外務部咨轉飭各口遇有俄國紅十字會船隻進口按約辦理文

光緒三十年

為咨行事本年三月十一日准俄雷使照稱刻有本國紅十字會蒙古哩雅號輪船一隻
在旅順口或將來仍有紅十字會船隻倘迫近中國口岸煤斤不敷用及偶有買食用與
避難他故等情為免各項誤會之處請飭中國各口岸地方官遇有俄國紅十字會輪船
來時照以上所言各事請按照荷蘭一千八百九十九年七月十七日所定養病院船隻
在中立口岸條約合理助以方便之利益等因前來本部查光緒二十五年荷蘭保和會
內所定推廣紅十字會行之於水戰條約中國業經畫押現值日俄事起戰國與中立國

均應一律遵守茲准俄使照稱前因相應譯錄原章十條咨行
貴大臣轉飭各口岸地方官遇有俄國紅十字會船隻進口隨時查明如與會章不肯按
約妥為辦理可也須至咨者

右咨南北洋

○附保和會推廣紅十字會行之於水戰條約

第一條 凡由國家製造或改造之施醫船口作援救遭險疾病受傷軍士之用者開戰
之時不得傷損拿獲惟於其船未經使用之先或值開戰之始或在開戰之時均應將船
名報明戰國如遇此項船隻停泊局外海口亦不得視如戰船

第二條 凡戰國所用之施醫船無論其船係全由官善會或民間集資所辦或半由官
善會及民間集資所辦一經本國奉官允准行事而該國已於未經使用之先值開戰之
始或值已戰之時將船名報明敵國者亦不得損傷拿獲此項船隻須帶有本國該管官
執照載明其船裝載起程之時曾經該管官監視

第三條 凡局外國之施醫船無論其船係全由奉官善會民間集資所辦或半由官善
會民間集資所辦亦不得傷損拿獲而該局外國須於用船之先無論戰事已開與否將
船名通報開戰之國

第四條 第一第二第三各條所載之船遇有遭險受傷疾病軍士不論為何國人一律

醫治

國家絕不得以此項船艦作有關戰事之用

此項船艦亦絕不得有妨礙戰事之舉

其船於開戰之時或既戰之後冒險行事由其自便開戰之國有查驗此項船隻之權並可禁其行事或使之遠離或指以應往之處或遣派委員於其船上如遇重大之事情形逼迫並可將船拘留

凡戰國有諭令此項醫船如何行事之時須將詳細情形載於該船日記

第五條 凡施醫船艦外面須用白色槓塗約一邁半寬之綠色一道以示區別二三各條所載之船並用此色又凡有一切施醫船艦均須升掛國旗及支乃沃公約所載之紅十字白旗以便認識

第六條 凡遇局外商船民船駁船有接載戰國遭險受傷疾病軍士者不得因此拿獲惟有犯局外之例者仍可捕拿

第七條 凡遇教士醫士救濟善士等船隻被捕之時均不得有所凌虐亦不得監禁視同俘虜至該教士人等於離船時應攜其自置之外科傢具以去遇有應行醫治之人即照常辦事倘經管帶酌度情形以為可以任其他往者該教士即可自便戰國獲有此項人等仍應保其享用全分新俸

第八條 被拿船隻上水手人等有受傷疾病者應由捕拿之人保護醫治

第九條 凡甲乙戰國中甲國軍士有遭險受傷疾病而被乙國所得者均為俘虜其應否拘留或遞送本國海口或送入局外海口或即遞送敵國海口均由乙國斟酌情形自行定奪惟送交敵國口內之軍士於戰事未畢之時不得復用

第十條 凡遇遭險疾病受傷軍士業經局外國地方官允許而送往敵國海口者倘此局外國與戰國別無與此約相反之辦法則該軍士等應由該國嚴加防護禁其復預戰事此項守護醫治之資由軍士等之本國付給

○外務部照會奉天俄紅十字會醫院已商明日員保護文

光緒三十一年二月

為照覆事本月十五日接准

照稱本國軍隊出奉天之際在該處留有紅十字會醫院數處及在各院醫官並執事各人茲據紅十字會總監督探詢該醫院目下各情院內是何舉動及醫官等與該院病人現象如何查紅十字會與戰務無涉所詢醫院各情不違中立之例可否轉詢

盛京將軍見覆等因查本部現接該將軍來電內稱俄紅十字會醫院尚有傷病兵丁婦女數百人已與日員商明保護供給等語茲准

照詢前因相應照覆

貴大臣查照須至照覆者

右照會俄使雷

○俄使雷照會旅歲華民身命財產已飭屬盡力保護文

光緒三十年

為照復事光緒二十九年十二月二十七日接准

來照內開據海參歲委員李家發當稱俄日失和旅歲華民甚為惶恐請轉達俄政府保護旅歲華民身命財產等語前來本大臣據本國欽命遠東留守大臣業已囑飭各該官員將在所轄各地旅住各國官民之身命財產盡力保護與平時無異相應照復貴王大臣查照可也須至照會者

○江海關道袁照會駐滬領袖領事俄艦阿斯哥爾革羅蘇華事請轉致公會文

光緒三十

年

為照會事照得本道前准日本總領事小田切來文本國外務大臣雷飭俄艦進滬既過二十四點鐘中國須令立刻出口如不願須起卸一切軍器機器停口內一定之地以待戰畢倘不能擇一而行日本即自認一適當手段即行辦結等因當經本道將奉到外務部雷諭飭令收取軍器並令俄弁兵等出具不預戰事供狀將該艇歸中國保護看管辦法各節照會俄總領事一面照會貴總領事查照在案嗣以俄總領事堅謂巡洋艦阿司哥及滅魚雷艇格羅蘇華意係為修理損傷而來例得進口修葺出口不允起除機械本道因查外務部中立條規確有准戰國師船修理損傷之例然其工程祇能以行抵最近

口岸為度限期應聽地方官酌定當即函致新關稅務司派員查驗估修一再聲明須按條規辦法乃旬日以來修理遷延竣工無日疊與俄總領事照會往復籌商始終未有一的實作工日期本道不得已按照條規酌定巡洋艦進塢多日飛板特次修好應限四十八點鐘修竣後二十四點鐘出口魚雷艇已早逾俄國駐京大臣所請修理五日之期不准再修應限二十四點鐘出口倘不出口即收取軍火機器照會飭遵乃俄總領事疊次來文不肯照辦本道不得已一面駁復一面派萬謠譯親往面商以今午雷艇出口之限已滿應即收取軍械而俄總領事堅謂兩船工程尚未據工程師估定未估定之前本道不能預定限期並謂機械亦不能收取須各稟請政府核辦殊不思我國中立條規既定有由地方官酌定期限之語則衡情定限係本道自有之權何庸瑣瑣稟瀆上憲更何能以局外工程師所估為憑今俄總領事既不以本道辦法為然則明明以外務部所定之條規為不然而不欲受我之保護有意破壞我之中立將來設有人如俄總領事之意以破壞我之中立在俄國進口之師船設有意外固與我無涉應由俄國擔其責任而上海為各國通商總匯關係匪輕倘有牽動一切亦應俄國擔其責任除照會俄總領事查照外本道查日俄戰事初起即聞貴國政府昌言願保我國之中立久深銘佩而貴總領事又遇事主持公道今值俄國師船不肯遵守我之條規不願受我之保護有意破壞我之中立本道不得不將此情節詳細備文照會貴領袖總領事俾知上海將來設有意外之

事均係俄國擔其責任而與中國無涉為此照會請煩查照並希轉致公會一體咨照施

行須至照會者

七月初十日

○江海關道袁照會駐滬領事起卸俄艦阿斯科爾華羅蘇華軍械機器文

光緒三十

年

為照會事本月十四日接准俄總領事照會接統帶在滬之本國水師提督文開奉海部

大臣阿親王札開奉本國大皇帝上諭巡洋艦奧斯科爾

即阿斯科爾

滅魚雷艇格羅蘇福意

華羅蘇均即拆卸軍器等因奉此現定於七月十四日晚七點鐘該兩船一律下旗從下旗

之時起該兩船即作為卸去軍器其守護之兵丁即行撤退其修理工程奉海部大臣札

飭仍續行照修請轉致中國地方官並會商卸去軍器之詳細辦法至該兩船水手之一

分即遣送回國照滿洲船一律辦理等因本總領事准此相應照會貴道查照速即飭令

將該兩船設法保護一切因自下旗及撤退守護兵丁之時起所有看守該兩船及其責

任全屬於中國政府並請貴道知照稅務司與本總領事會商該兩船實行卸去軍器之

詳細辦法本總領事現已電請政府訓條一俟接到此項詳細辦法之訓示即可辦結等

因除函致稅務司派員前往俄船妥為起卸軍械機器外查俄國艦艇既經遵照我外務

部所定逾限不出口拆卸軍械機器歸我保護業已按照我國中立條規辦理除照會日

總領事英總領事外交應照會貴領事請煩查照轉致領事公同一體施行須至

照會者

●畫界門

○北洋大臣袁咨接收俄統領交還山海關一帶各國軍隊佔據地段送經咨呈
為咨呈事案照天津至山海關一帶各國軍隊佔據地段送經咨呈

貴部照催各國大臣交還在案茲飭據署山永協副將李鼎新署臨榆縣知縣馬慶麟商
准俄國統領聶威奪自斯科將俄兵前佔山海關邊牆外街遠礮台地基一段暨營內外
兵房五十餘間交還並據俄官請立接收文憑送經飭與駁商當議暫立字據八條聲明
俟山海關各國兵隊均退後此字據即作廢紙查尚妥協已於八月十八日由該副將等
會同接收管理相應咨呈

貴部謹請查照備案須至咨呈者

右咨外務部

謹按暫立條約已列入章程中之界務門故不再附

●租借門 租建類

○全權大臣李奏酌定天津俄國租界事欸摺 光緒二十七年

奏為酌定天津俄國租界事欸恭摺具陳仰祈

聖鑒事竊查各國聯軍深入連陷天津京城西法以兵力所至之區視為應得之地現雖與之

開議而各國所佔之地率皆劃分段落暨彼國旗將來逐條議明自必將踞地商令退去但市屢繁盛堪作商場者彼必據為己有現在各立界牌拆毀房屋開通道路經營不休適俄國駐京全權大臣格爾思會晤述及天津城外為各國通商口岸俄國向無租界擬求河東地一段以為通商市場臣查河東之地民居尚不其多惟其中有鹽坨為長蘆鹽商築鹽存鹽之所當告以鹽法為我

國課餉大宗不容廢置且係商人世業斷不能價賣於人應即一律劃出不入租地之內該使臣隨即應允欲先立草約以便日後逐節細商臣查各國在天津均有租界俄商獨無論理本覺偏枯今既來就範圍以禮乞請自應允許使彼心向我益堅現東三省商議交還事機甚切姑從所請訂立草約二條先與畫押蓋印彼此各執一分為憑謹鈔錄清單恭呈御覽除咨明總理各國事務衙門查照外所有酌定天津口岸俄國租界緣由恭摺由驛奏陳伏乞

皇太后

皇上聖鑒訓示謹

奏

○吉林將軍長奏俄人擬租三姓所屬荒地作為碼頭及田莊牧廠議立草約摺

光緒二十

八年

奏為吉林三姓所屬拉哈蘇蘇地方俄人擬租荒地作為輪船碼頭及田莊牧廠先與議立
草約恭摺仰祈

聖鑒事竊光緒二十七年十一月間准駐吉俄辦交涉大臣劉巴照稱俄國同夥製造輪船業
主欲在拉哈蘇蘇地方租用荒地作為輪船碼頭又有俄國幾人亦欲在拉哈蘇蘇租用
荒地作為田莊牧廠請將租地章程並每晌每年租錢若干以及至多年限能定若干請
覈示等因准此奴才等當以和約尚未大定應從緩議等語委婉駁阻旋准該大臣覆稱
租借荒地係屬小節豈能牽入大局以內堅執前說力求允准奴才等復思現在中俄重
敦舊好正值和約將定之際遇事似應稍從權宜未便過於拒絕致乖睦誼當以拉哈蘇
蘇地方為三姓轄界隨即咨行三姓副都統就近派員查明該俄人擬租荒地共有幾段
某段方圓尺丈里數共有若干其中有無窒礙繪圖帖說咨復備覈去後茲准該副都統
儂英阿以查勘該俄人擬租荒地共係三段第一段係俄商新輪船公司所用南北長二
百五十六丈零八寸東西寬一百九十八丈第二段係俄人拉得依中所用南北長四十
九丈五尺東西寬四十八丈八尺第三段係俄人那五莫夫所用南北長五十九丈四尺
東西寬三十九丈六尺均係官荒閒地並非民間私產與赫哲旗屯亦無窒礙等因咨覆
前來奴才等查拉哈蘇蘇地方在富克錦城東北松花江南岸距城一百九十里其北為
黑河口凡俄輪順黑龍江而下溯松花江而上者此處實扼其咽喉自東三省興修鐵道

哈爾濱設立總車站後俄輪暢行已無所謂險要且其地荒僻異常斷非中國財力所能經營及此與其置曠土於無用似不如照俄員所請酌收租價尚可稍收地利第事屬創辦一切租價年限等事寬之則視若容易恐生無厭之求嚴之又迹近刁難慮啟強佔之患必須明定期限妥議章程方足以持久遠而杜流弊茲經奴才等酌議章程八條言明係屬草約必俟

奏奉

諭旨允准方能開辦謹將草約八條敬繕清單恭呈

御覽額

恩飭下外務部覈議示遵俾有循守除照覆俄員劉巴候

旨遵行外所有酌擬出租拉哈蘇蘇官荒地緣由理合恭摺具陳伏乞

皇太后

皇上聖鑒訓示謹

奏

謹按俄人租拉哈蘇蘇荒地草約八條已列入章程中之租借門茲不復列

○外務部奏俄人擬租吉林三姓所屬拉哈蘇蘇荒地先立草約事多窒礙應請駁阻摺光

緒二十八年十一月

奏為遵

旨覆議具奏仰祈

聖鑒事准軍機處抄交吉林將軍長順奏吉林三姓所屬拉哈蘇蘇地方俄人擬租荒地作為輪船碼頭及田莊牧廠先與議立草約一摺光緒二十八年十月初七日奉

硃批外務部覆議具奏單併發欽此欽遵到部查原奏內稱光緒二十七年十一月間准駐吉俄國辦理交涉大臣劉巴照稱俄國同夥製造輪船業主欲在拉哈蘇蘇地方租用荒地作為輪船碼頭又有俄人亦欲在拉哈蘇蘇地方租用荒地作為田莊牧廠請將租地章程並每年租錢若干以及年限若干請核辦等因當以拉哈蘇蘇地方為三姓轄界隨即咨行三姓副都統就近派員查明備核茲准該副都統僉英阿以查勘該俄人擬租荒地共係三段第一段係俄商輪船公司所用南北長二百五十六丈零八寸東西寬一百九十八丈第二段係俄人拉得依巾所用南北長四十九丈五尺東西寬四十八丈八尺第三段係俄人那五莫夫所用南北長五十九丈四尺東西寬三十九丈六尺均係官荒閒地與赫哲旗屯亦無窒碍等因奴才等查拉哈蘇蘇地方在富克錦城東北松花江南岸距城一百九十里其北為黑河口凡俄輪順黑龍江而下溯松花江而上者此處實扼咽喉自東三省修鐵道哈爾濱設立總車站後俄輪暢行已無所謂險要且其地荒僻異常斷非中國財力所能經營及此與其置曠土於無用似不如照俄員所請酌收租價尚可

稍收地利第事屬創始一切租價年限等事寬之則視若容易恐生無厭之求嚴之又迹近刁難慮啟強佔之患必須明定期限妥議章程方足以持久遠而杜流弊茲經酌議章程八條言明係屬草約必俟奏奉

諭旨允准方能開辦謹將草約八條繕單恭呈

御覽

恩飭下外務部核議示遵俾有循守等語臣等伏查吉林三姓所屬拉哈蘇蘇地居荒僻該將軍等因俄國交涉大臣之請商議租地原為睦鄰起見惟中外通商以來祇以開闢口岸之處准各國酌租地段居住貿易今俄員請在拉哈蘇蘇地方租地作為輪船碼頭田莊牧廠與通商口岸情形不同如果允其所請誠恐各國因而藉口紛紛援行勢將無以善其後該將軍等原奏聲稱所擬章程言明係屬草約必俟奏奉

諭旨允准方能開辦是此項章程原未可作為定准擬請

飭下吉林將軍等照覆俄國交涉大臣婉詞駁阻以杜轉輟如蒙

俞允即由臣部咨行該將軍等遵照妥慎辦理所有遵

旨覆議緣由理合恭摺具陳伏乞

皇太后

皇上聖鑒謹

奏 光緒二十八年十一月初一日奉

硃批依議欽此

○外務部咨俄人擬租吉林三姓所屬拉哈蘇蘇荒地先蓋房屋殊屬違約仍應駁阻文

光緒三十年九月

為咨覆事光緒三十年九月十七日接准

咨稱案查光緒二十七年十一月俄人拉得衣巾那五莫夫擬租三姓屬之富克錦界拉哈蘇蘇荒地三段作為輪船碼頭及田莊一節准大部咨開議覆俄人擬租拉哈蘇蘇荒地草約事多窒碍請飭駁阻一摺奉

硃批依議欽此抄錄原奏咨行前來經前將軍長照會俄官劉巴並咨行三姓副都統轉飭黑河口卡官駁阻在案旋據俄官劉巴覆稱該俄人已於定立草約後修蓋房屋不能阻止並將此事轉咨本國外部及駐京欽差指示俟咨覆到日再行照會等語現准三姓副都統報據原勘荒地之筆帖式恩緒稟稱俄人拉得衣巾那五莫夫現仍在鐵路輪船公司濠外原勘之地修蓋房屋等情查俄人所租地方訂立草約既未奉准自應一律作為罷論乃俄官藉詞延宕拉得衣巾等擅行蓋房殊屬違約除再行照催駐吉俄外部文官博果牙楞速按前約轉飭還回本界退還荒地外應請轉行駐京俄使速飭還回毋任久踞等因前來查拉哈蘇蘇草約係由前將軍與俄員所訂該草約第八條聲明仍須俟奏准

後方為定論等語業經本部奏駁應仍由吉省查照原奏據約切實辯論方為正辦毋庸由部轉行俄使相應咨覆

貴將軍查照辦理可也須至咨者

右咨吉林

○新撫饒咨喀城俄領事購買民房為公所已由公家提款價買撥給文

光緒二十八年

為咨呈事竊據喀什噶爾道朱冕榮詳稱據辦理喀什噶爾通商委員張令紹伯詳稱竊卑職於光緒二十四年四月十九日奉前道憲黃劄開光緒二十四年四月初九日案奉撫憲電諭轉承准

總署電開俄使函稱喀什噶爾城領事府向租民房居住現房主欲將此房賣與領事府為業中國官驗契遲延請轉催等語布飭喀道速將該契照驗勿延仍電復歌等因條約本無准賣之文劉令之前議亦是現

總署已允電催給照應飭照辦等因查俄總領事前擬將租賃住宅地基備價購買業經由道電稟撫憲在案奉到前因正擬辦聞適於四月初十日准布政使司兼臬司來電以領事買地與約不符擬由公家價買撥給彼當情願乞商辦見覆等因比經查照面商俄領事允諾並將房基菓園早經議定價值俄帖二千張馬號在外此項價銀擬在疏勒州變賣荒地餘款提給不敷再由公中補出各節電明布政使司兼臬司並乞代回撫憲示

覆去後旋准覆電內開來電已呈帥閱奉諭俄館房地菓園馬號均由公家價買撥給領事各價先儘疏勒荒地價銀撥發不敷再由公中補出應由尊處訂立合同繪具圖說載明四至界址寬長丈尺用紅線畫清彼此蓋印通商局與領事各存一套備查俟辦妥後先電報仍照鈔合同並附呈圖說二紙備文報院以便咨呈

總署存案並請尊處行知地方官知照等因准此應飭通商委員遵照逐一妥慎辦理事後將所立合同照鈔一分附呈圖說二紙具覆至園地向有額糧應飭疏附縣查明戶冊每年徵收若干具文申報以便一併詳轉立案除分行外合行剴飭為此剴仰該局員即便遵照等因奉此卑職遵即傳喚纏民天六六什到局將俄館地基菓園查照原定價值俄帖二千張按時價議折湘平銀一千三百七十五兩並傳纏民買提阿洪將馬號地基公議價值湘平銀四百兩合共湘平銀一千七百七十五兩稟奉前道憲黃核准照價給領並取其各該民賣契實呈憲轅存案卑職會同俄領事幫辦履勘俄館及菓園地基計量東面十六丈西面四十三丈五尺南面三十四丈五尺北面三十四丈八尺周圍共一百二十八丈八尺並勘驗前撥修蓋聖堂等項屋宇地基計量東面二丈二尺西面七丈二尺南面十六丈北面十七丈五尺周圍共四十二丈九尺四抵界址勘量分明繪具圖說用紅線畫清界址並書合同配繙俄文一併實呈憲台核閱轉送俄領事互相蓋印畫押各存一分備查除買價銀兩由憲庫列冊核報外理合具文申實仰乞憲公鑒奪核

轉立案再此案於光緒二十四年夏間約會俄領事勘量地基惟合同尚未會立緣領事
每次推延並答以緩辦卑職因案懸太久上年曾具文申請前道憲黃照催一次今年復
經詢催多次始允會立合同互相畫押合併申明所有遵飭勘撥俄領事公所地基菓園
馬號及修蓋聖堂等項地基繪立圖說合同呈請蓋印分別存轉各緣由理合具文詳請
鑒核等情據此職署道覆加查核無異比將賣到合同圖說二分送與俄領事看明彼此
互相蓋印畫押各存一分備案除房地價銀早經黃前故道列冊具報並園地額糧由縣
查明另文辦理外理合將合同圖說具文詳貴仰祈察核分別存咨立案等情到本部院
據此相應咨呈為此咨呈

貴部謹請鑒核立案施行須至咨呈者

右咨外務部

按此文所附合同已列入章程之租借門

◎通商門貿易類

○烏里雅蘇台將軍軍運奏請設中俄通商局摺光緒二十八年

奏為參酌時勢擬請設立中俄通商事務局揀員承辦以專責成而維邊局恭摺仰祈

聖鑒事竊維邊疆之要首在睦鄰凡一切事機自應因時制宜謀為久安之計查烏里雅蘇台
地處極邊與俄接壤形勢孤懸頭頭是道貿易俄商絡繹不絕當此重訂和好之際邊局

益不能不慎鄰睦更不可不修設商局而理商務實為睦鄰保邊第一要義溯查從前俄商來城貿易者朝來夕去交涉事少暫歸理藩院兼辦今則俄商在烏多設舖所常年與蒙民交易兼以烏梁海連界俄屬之烏蘇河套並恰克圖均設有俄官與蒙古諸部落近在咫尺中無隔閡以致喀爾四盟無一旗無貿易之俄商其所貿易者專以牛皮獺皮子皮牛隻為大宗每年由三札兩盟以貨換買駝絨羊毛進烏城者不下三四百萬觔其由各盟旗經運俄法者為數尤鉅故近日交涉事繁較昔不啻倍增什茲此時即派專員承辦猶恐有拮据不逞之勢若仍以理藩院兼辦實屬顧慮難周設有貽誤非惟有失鄰睦實與邊局關係匪輕奴才等熟籌再四擬仿照科塔兩處成案在烏城街中市設立中俄通商事務局擬設承辦章京主事職銜一員額外筆帖式二員專司其事庶責有專歸而無貽誤查烏城辦公向來事浮於人此次設局辦商又關係交涉應委各員非久厯邑疆通達洋務蒙文者不克勝其任設承辦章京一缺擬由綏遠城擇其曾在西北路邊經過通商事務諳習洋情之員指調來烏委用以資熟手而期得力其筆帖式二員即擬由在營旗員內挑選補用至各員等升階保案暨應支鹽糧加增等款按照烏城額設主事職銜筆帖式等員之例一體辦理惟烏城設立商務係屬創始且俄官往來似應稍加優待擬月給辦公心紅柴燭紙筆等項銀四十二兩字識四名以備書寫一切招募巡兵十六名以資巡查備蒙俄交易偶有口角即便前往彈壓勿令釀成事端每名擬月給津貼四

兩至中俄交涉必須曉俄蒙繙語者添募通事二名方不誤事月支口分每名按照六兩發給核計一年所需連閏不過二千二百餘兩惟當此多事之秋庫款支絀奴才等亦應共體時艱變通辦理所有該員等應支各款暫由烏城常年各項六分減平項下核發仍歸入常年經費造報不令稍有浮冒庶免部籌之難如蒙

俞允擬按照科布多由奴才刊刻木質關防一顆文曰辦中俄通商事務關防報部開用以昭信守其餘一切設局開辦暨支發各項銀糧日期並調員承辦各情形俟奉

旨後再行酌覈奏咨辦理除咨呈政務處查照外所有參酌時勢擬請設立中俄通商事務局揀員承辦以專責成而維邊局緣由是否有當理合恭摺具陳伏乞

呈太后

皇上聖鑒訓示遵行謹

奏 光緒二十八年 月 日奉

硃批着照所請該衙門知道片併發欽此

●通商門貨稅類

○總署咨俄商運赴張家口牛皮等貨照內地土貨均應逢關納稅文同治三年

為咨履事案准咨開俄商所運牛皮貨物前據俄國領事官照會或完于口半稅或照內地土貨逢關納稅均無不可當經本大臣函商總署旋准函覆准其照土貨逢關納稅辦

理等因現據俄商將運赴張家口牛皮八十張報請查驗收稅已按照天津鈔關稅則徵收內地稅餉給予正稅單除行文戶部坐糧廳張家口監督查照如遇俄商運往牛皮到境各照本關內地稅則徵收稅餉切不可照洋稅徵收免其藉口嗣後俄商販運內地牛皮等貨赴張家口銷售未領三聯單者係應逢關納稅均照此次各按本關內地稅則徵收內地稅餉並咨明崇文門監督查照轉飭東壩委員一體遵照外理合咨呈等因准此本衙門覆核無異相應咨覆

貴大臣查照辦理可也須至咨者

右咨三口

○總署咨俄商販出張家口牛皮等貨按陸路通商例不得運回銷售文

同治三年

為咨行事茲准函稱前因俄國領事來文內有俄商由張家口運貨赴南省販賣均經照章完過正半各稅現有未經銷售之牛皮由漢口水路運至天津仍運回張家口請發給執照以便前往等因當查新章俄商由津運貨赴張家口應用三聯執照該商所運牛皮雖係出口時完過稅餉與由天津起運土貨赴恰克圖不同惟既由陸路通商章程路途運送自應一律發給三聯執照以期沿途有所稽考因於三聯照尾上註明該俄商運貨如在張家口全數銷售所有照尾及俄國原發執照即由張家口監督一併截留彙送總署備案以清眉目而免兩歧業經辦理在案昨又據俄領事來文俄商又有牛皮六包於

上年到津完過稅銀至今亦未售出仍欲運回張家口請領執照不願請領三聯執照當告以前次所辦係於照尾後註明今可仍照前次辦法如該商販貨運入內地不按通商陸路章程仍可請領入內地執照今該商運送牛皮由陸路前赴張家口總應遵照總署新章一概請領三聯執照以期一律辦理而俄領事再三面請總以該貨係因未經銷售運回張家口似可無須發給三聯執照請示遵辦等因前來本衙門查俄國陸路通商章程第九款俄商在議定南北各口販買土貨及由俄國販洋貨由水路出口進口仍照各國總例辦理又第四款俄商路經張家口酌留十分之二於口銷售該口不得設立行棧又十一年本衙門與各國大臣議定海口章程洋商運土貨復進口交復進口半稅如再轉運別口應發給半稅存票至別口時仍交復進口半稅又議定洋商在內地買土貨出口章程應先向各海關請領報單然後准其前往等語此項牛皮如果係由俄國運來按照陸路章程亦只准在經過之張家口留銷十分之二是該貨於前經張家口時業已留過二成此次不得運回張家口銷售若係張家口土產俄領事欲引照各國買土貨出口總例則應查明從前未置貨之先曾否預向海關請領報單如未經領報單則是有違定章例應罰辦如已經領過報單並完過出口正半各稅其運至上海漢口應領有交過復進口半稅存票實據運回天津仍應納復進口半稅始准在津售賣從無該處所買貨物仍准運回該處之理是此項牛皮無論係俄國所產中國所產不得運回張家口銷售相應

咨覆

貴大臣即希轉飭俄領事知照一面詳細查明以上各情節分別辦理可也須至咨者

右咨三口

○總署咨俄產海菜議准減稅定期開辦文

同治六年

為咨行事所有俄產海菜擬令作為二等海菜每百觔納稅銀一錢等因前經咨行並准轉據東海關盧稅務司查明定議核與每百抽五之數不甚相懸茲復前來本衙門當即據情照會俄國公使去後茲於本年八月初五日據俄使照復內稱俄國海口所運海菜一項與日本海菜質味不同擬將前定每百觔關稅銀一錢五分減為一錢等情均為合洽其開辦日期自應靜候示知等因現在本衙門酌定於中國十月初一日開辦除十月初一日以前仍照舊章辦理外相應咨行

貴大臣查照轉飭各關遵照辦理可也須至咨者

右咨三口

○總署咨議定中俄新約內下等茶減稅辦法文

光緒八年

為咨行事本衙門現與俄國布使議定新約第十六條下等茶減稅一事相應抄錄來照會並布使原信咨行

貴大臣查照可也須至咨者

右咨北洋

○附錄給俄國照會

為照會事照得新約第十六條分別酌減下等茶進口之稅一事迭經往返會商尚未定議前日

貴大臣來署辭行聲明此項茶葉均係粗梗其品在茶末之下迥非各種茶葉之比本衙門因函請

貴大臣將此項粗梗茶種類指出並分別價值以便酌核定議昨准函開第十六條約內之意欲將形如根木而葉微薄者免其完極貴之稅此項茶與散葉及茶末毫不相涉並開列內分各種茶之酌中價值擬減稅數等因前來本衙門視

貴大臣所言極為公允逕擬就此定議千兩一種每百觔徵銀五錢百兩內之貢尖每百觔徵銀八錢百兩之天尖每百觔徵銀一兩百兩之京尖每百觔徵銀一兩二錢五分均以

貴大臣所稱形如根木並非正葉即梗子者為斷其各種散葉及茶末如有與以上名目相同者不在此例嗣後照此減定之數納稅惟望轉行漢口領事官等飭知俄商自減定下等茶稅之後切勿將上等茶攙入此等粗梗之內以免牽混而滋爭執仍望照復以便行知各關口遵照辦理以為新約第十六條下等茶減稅定議之案相應照會

○附錄俄國照復

為照復事本月初六日准照開所有本大臣擬形為根本之茶減稅數目

貴署視為公允隨定嗣後此項形為根本之茶並非正葉即梗子者均照本大臣十月初五日函擬減定之數納稅而各種散葉及茶末如有與以上名目相同者不在此減稅之例等因照復前來本大臣與

貴王大臣聲明本大臣所擬議者視為同意故新約第十六條下等茶減稅一事以為了局所有彼此相定各節本大臣自致漢口領事查照

○附錄俄國布使來函

日昨因本大臣在

貴署相談

貴大臣致函內以前函所稱曲沃裝茶或在所謂藥茶之內及大花篋亦名千兩小花篋亦名百兩並小花篋之內各茶是否用茶梗而製並非別項散葉之茶其品亦在茶末之下各節願由本大臣講明並欲知本大臣擬定稅數若干等因前來茲如所願達知以前函所稱形為根本者千兩百兩在漢口總名為曲沃裝茶而稱其為藥茶之名者乃係自海關而啟也惟其立新約第十一條之時欲減稅各條而用此藥茶之名目而名之此名未必能確當原因藥茶之名目凡所謂藥茶皆涵入其中至貴而不能歸入下等茶之內

者亦涵入其中其第十六條所載列入於約內之意欲在中亞細亞洲所專用形如根木而其內茶誠微薄並非正葉即梗子者免其完納極貴之稅是此項茶與散茶及茶末毫無不相涉似形如根木之茶且內中藥草居中十成之七成五乃係千兩百兩及百兩內之各茶也至於議定稅數之稅則本大臣同

貴大臣所言之意視為選定其稅數強於估價定稅茲據漢口所報擬定千兩一種酌中之價每百觔銀三兩五錢每百觔擬徵稅五錢百兩內之貢尖酌中之價每百觔銀五兩五錢每百觔擬徵稅八錢百兩之天尖酌中之價每百觔銀十兩每百觔擬徵稅一兩二錢五分惟望此項稅數

貴大臣視為公平准於以前所稱形為根木之茶照此而定端此佈復

○總署咨俄產海菜區別等次核准定稅文

光緒十一年

為咨行事光緒十一年九月二十三日接准總稅務司申稱海菜進口一事現據東海關稅務司稟報現由俄國運海菜進口驗係日本所產即非日產亦係與日產同類之物或俄產海菜近年有與日產相同者抑或日本鄰近之島產有海菜不運日本而運俄國查俄產海菜列於下等故進口時按百觔納稅一錢徵收今俄國所運海菜既非下等與日產之物無所區別獨將俄產者減稅徵納似未公允嗣後此項海菜進口應否照所值二兩五錢以上者作為頭等海菜徵收每百觔納稅一錢五分之處申請酌度通飭遵辦

等因當經本衙門函商俄國駐京博大臣嗣後俄商所運海菜自應驗明頭等二等之貨分別納稅在案茲於十一月初三日准俄國博大臣函復分別海菜一節悉從施行所擬辦法應令海關於俄商自俄境所運海菜詳細區別等次核准定稅藉免官商執辦等語前來相應抄錄原函咨行

貴大臣查照通飭酌核辦理可也須至咨者

右咨北洋

○附錄致俄公使博大臣函

光緒十一年九月二十三日准總稅務司申稱海菜進口一節前於同治六年三月間奉本衙門劄開准倭大臣照會以俄產海菜素下日本而進口徵稅均係每百觔納稅一錢五分與值百抽五之例未符請秉公更定等語當經總稅務司核議申復並經三口通商大臣咨照俄產海菜委係不如日本所徵稅項自可量為變通用示區別所有俄國所產此項海菜應作為二等海菜每百觔納稅一錢核與每百抽五之數不甚相懸業經本衙門照會查核去後旋於是年八月初五日准倭大臣照復稱為允洽定於是年十月初一日開辦遵行在案現據東海關稅務司稟稱現有商人報由俄國運海菜進口本關驗係日本所產即非日產亦係與日產同類之物該運海菜之船係由俄國駛過東洋而來商人呈驗起貨單暨信函等件皆有該貨係在俄國上船之據或俄產海菜近年有與日

產相同者抑或日本鄰近之島產有海菜不運日本而運俄國查因俄產海菜列入下等故進口時准按每百觔減稅一錢徵收使俄國海菜非屬下等與日產之物無所區別而獨將俄產者減稅徵納兩歧似未公允申請核示等因總稅務司查嗣後此項海菜進口應否照所值二兩五錢以上者作為頭等海菜徵收每百觔納稅一錢五分之處備文申請酌奪會商以便遵飭通辦前來本衙門查海菜一項無論俄產日產應以價值之高下定稅則之多寡前因俄產海菜比日產形色較粗是以照二等納稅現在俄商所運海菜與日產無所區別質味既美價值必多應照各國總例辦理嗣後俄商所運海菜自應驗明頭等二等之貨分別納稅方昭公允相應函商

貴大臣查核見復以便通飭辦理可也

○北洋大臣袁咨俄商運貨往恰克圖納子口稅由關道填給三聯執照文光緒三十年為咨呈事據津海關道唐紹儀詳稱案蒙咨開五月二十六日准

外務部咨開俄商由天津運貨往恰克圖納子口稅一事前准咨稱據津海關道詳稅司擬改歸新關徵收據稱業由總稅務司核准呈請核示等因當經本部函商總稅務司去後茲據函復前來相應鈔錄來往函稿咨行查照轉飭津海關道會同該關稅務司妥商辦理並將商定辦法聲復本部可也等因到本大臣准此合行劄飭劄到該道即便遵照迅速查核妥議具復此劄計鈔單等因蒙此職道查俄商陸路稅改歸稅司經徵似不若

將三聯執照併由稅司發給以歸一律而便稽查當經函商該稅司迅速核議見復去後
茲准復稱查抄件內總稅務司復函內開三聯單執照一節仍請由道署照舊辦理如此
則較易於令各地方識認放行與本稅司之意實屬絲毫無異且若改換執照式樣難免
新疆等處滋疑致有阻滯再

外務部函開此項稅銀無論歸何處經收總是歸入正欸今稅銀由本關官銀號按照別
項經收而執照仍由貴署照舊發給似無不可相應函復查照等因前來復查前項稅銀
既經往返函商先由稅司經徵仍由職道填給三聯執照尚屬周妥業已函致該稅司隨
時將俄商完過稅銀數目函致過道以憑填給執照俾免歧異除函致新關德稅司查照
辦理外理合詳復查核俯賜轉咨

外務部查照實為公便等情到本大臣據此除批示外相應咨呈
貴部謹請查照須至咨呈者

右咨外務部

◎通商門 稅則單照類

○總署咨中國商民往俄界暉春須地方官給照領事加印文 光緒六年

為咨行事光緒六年三月十六日准咨據江海關道劉稟稱俄領事所稱華人自上海乘
船至暉春須華官發照領事蓋印等因詢據新關稅務司赫政復稱暉春之西有暉春城

是琿春本係中國所管原在內地並非海口至運春或琿春乃係海口其地在琿春河東北相離二度約四百餘里按照條約該地本屬俄人所管是以運往之貨均照運往外國一律辦理華商皆託洋商報關是由滬往琿春之船均係前赴俄國運春海口與中國內地之琿春實係兩地如琿春則無報貨運往等由伏查運春琿春既皆海口係俄國所管非中國所屬之琿春內地現在華人前往俄國運春地方官請中國官給照由駐滬俄領事簽名蓋印持往查驗無照不令上岸諒為稽查華人嚴防匪徒起見應否照辦咨請核復前來查三月初八日准北洋大臣咨據俄國韋領事函稱現接本國署理欽差凱文開本國所屬距琿春不遠之拉提窪斯叻克地方時有中國各處附船到彼特飭領事稟請轉行煙台天津地方官倘有華民欲往該處必須先請地方官發給執照等因查該領事所稱琿春不遠地方似即係吉林迤東琿春河口及海參崴一帶除分割津海東海山海關道查核妥辦外咨會查照等因又准吉林將軍咨據甯古塔副都統呈報與俄國官議立華人往海參崴起票章程並抄俄官照會章程三條前來本衙門查俄領事所稱凡中國人乘船往俄界者須地方官給照雖措詞互異大致相同既據北洋大臣吉林將軍分飭照辦並據將運春琿春地名飭查明確所有發照事宜自應由貴大臣轉飭各海關道一律查照辦理除咨復北洋大臣並吉林將軍外相應抄錄吉林來文暨俄官照會條款咨行查照須至咨者

右咨各省

○附錄吉林將軍等來文

為呈報事案查光緒五年十二月間准甯古塔副都統咨報據署琿春協領瑚圖禮呈報俄國廓米薩爾照會內稱現經海參崴地方管理總商衙門引定中國人民起換票照章程三條凡中國人赴往海參崴一帶地方漁採者須由各國地方官分別良莠取具妥保發給票照至海參崴管商衙門更換俄票倘若無票之人即係莠民以便拏送琿春發落等語查其擬定起票章程三條凡中國人民有赴俄界海參崴漁採者須由各地方官取保發給票照至彼由俄所設管商衙門查驗更換俄照第二條內中國人民若無地方官即該處所住孔孫官之票不准前往一語惟孔孫官係何官劄飭該協領與通事詢悉明白再行咨報等情當即咨行查詢明白迅速具復據副都統查明所云孔孫官即各國領事官條內所言之事詢據俄廓米薩爾亦謂事須減議始定擬凡赴海參崴俄界者必須琿春領票並嚴杵河廓米薩爾處添註俄字俄印票用俄國原紙以杜假充之弊如此辦理可以清盜匪而免枉拏等情互相給照存查現接到俄照一面備文呈報一面購買俄紙印發票式發給俄官即曉示海漁商賈人等一體遵行合將來照抄錄粘單呈報總理衙門查核

第一條中國民人發給印票者務須有海參崴居住民人承保方准中國屬界民人一年

內由該處請領印票由海參崴管商衙門報明更換俄照

第二條中國各內地居住各國之孔孫官即傳知烏蘇里邊界官廓米薩爾倘中國人如無該國地方官即駐紮孔孫官票照赴海參崴者船主不准載過

第三條嗣後凡過一年後本處照定第一條章程如有無票者或由陸路來者挈獲解送瑛春由船經過者亦由船送回

●通商門免稅類

○外務部咨俄免海參崴華稅仍舊征收文 光緒二十九年

為咨行事前據海參崴商務委員李家葵呈稱俄免歲華稅華商宜趁此運貨前往必獲厚利另具條陳分行等情本部業經通行在案茲又據該員呈稱接俄國海參崴稅關文稱奉本國戶部尚書諭所有在歲免華貨由海入口之稅應於俄歷二月一號起即華正月十七日仍照舊章征稅等因查前所陳宜銷之貨類皆細軟備西人之用價本既輕不妨繞道東省既可隨路試銷仍可運歲免稅俄人賦性奢華不拘價值華商改報貿易猶能支持勿以誤會中止致礙商務請再通行京外督商各衙局出示曉諭俾得周知等情前來相應咨行

貴大臣查照辦理可也須至咨者

○外務部照會恰克圖運俄茶糖請飭照章免徵文光緒三十年

為照會事光緒三十年二月初十日據庫倫辦事大臣文稱查由恰克圖運俄茶糖向章均不徵稅自庚子年聯軍入京俄始收稅紅茶以分合稅一分重華秤十一兩二錢每分收俄洋六十二文半計茶一箱原本不過四十二三兩稅銀約需四十五六兩餘冰糖以蒲合稅一蒲重華秤二十七斤半每蒲收俄洋三百七十五文計糖一籠原本不過四五兩稅銀約需五兩六七錢餘其餘碑茶併按每分六文一釐半徵稅合計所收數目均過於原本以致赴俄華商半多虧歎而庫倫至張家口一帶商務亦因之窒礙現經本大臣與駐恰俄員會晤詢以此項稅務前因失和征收今既各敦睦誼應即停征否則兩國貨物均應有稅方昭公允俄員亦無可置辯請與

駐京大臣會商議定停徵等因前來本部查此項茶糖俄稅既係向章所無自應仍照向章辦理相應照會

貴大臣查照轉飭駐恰俄員遵照向章免其徵稅以恤商情而昭睦誼須至照會者
右照會俄公使

●通商門 船鈔類

○總署咨俄船照法國新章納鈔文同治四年

為咨行事同治四年九月二十九日准俄國照會內稱現准法國酌改船鈔章程欲將俄

國船隻前往本國海口亦按法國之律辦理等因當經本衙門詳加酌核所有呢廓來業福斯克海口至圖們江海口商船由該處至中國原定通商海口允照每四個月納鈔一次等因照覆去後茲於十一月初八日據俄國公使以允改納鈔一節即希任定期開辦照會前來本衙門當即照會俄國公使定於同治五年正月初一日開辦相應知照須至咨者

右咨沿海各省

●通商門 稽罰類

○總署咨細茶圓餅朦報磚茶查出嚴行罰辦文 同治六年

為咨復事同治六年十一月十五日准咨稱茶磚分別收稅一案據江海關道王文韶據駱稅司查明方式者實係茶末之磚每八十餘斤約價六兩另一種方式者係粗茶打成磚式其圓筒者實係紅茶粗梗因不能做成磚樣用水團成圓餅以為陸路車中之用其價均只四兩請仍舊統照磚茶每担六錢收稅且朦混之弊不可不防擬請嗣後倘有以紅茶作成磚式圓筒朦報前項茶磚出口一經查出即將全貨入官再中國尚有普洱安化等茶均係細茶團成圓餅其成本十倍於茶梗之筒雖非外國銷場誠恐朦混納稅應請載明如有以普洱安化等類細茶圓餅朦報茶磚者查出將單內同類之貨一併入官以杜影射而重稅餉並請附增稅則以示遵守等因前來本衙門查俄國續增稅則內載

磚茶每百觔六錢註有別種茶葉另有稅則不得援照此例乃近來奸商影射竟有將細茶團成圓餅朦報磚茶希圖減稅並有以細報粗謂式樣與磚茶雖異成色與磚茶略同擬請照磚茶納稅殊不知茶葉茶磚各有一定稅則不得互相牽混致滋弊竇查本衙門於十月間接據俄使照會以漢口商人販運千兩百兩茶成色與磚茶一類擬請減稅等因本衙門業已駁復今仍照二兩五錢完稅嗣後磚茶報關自應分別嚴查如有以各種細茶冒充磚茶者一經查出准照來文所擬嚴行罰辦並將同類之貨一併入官相應咨復須至咨者

右咨南洋

○附錄給俄國照會

為照復事前接照會內稱現有本國漢口商人擬販千兩百兩等茶關口徵稅均每百觔二兩五錢其成色均歸磚茶等項一類但因式樣各異而徵稅似此懸殊實未平允請速飭酌定等因前來查陸路通商章程第十一款內載俄商販買土貨回國均按照各國稅則完一正稅查各國稅則千兩百兩等茶並無專條只有茶葉每百觔二兩五錢又查俄國續增稅則內載磚茶每百觔六錢註有別種茶葉不得援照此例等語是除磚茶外無論何項茶葉均應按照二兩五錢徵稅且查千兩茶即係安化茶係細茶團成圓餅並非磚形上年英商寶順行曾有安化茶欲請減稅經本衙門與各海關議定仍按二兩五錢收稅

百兩茶與千兩茶大約相同今漢口商人擬販之千兩百兩茶自不得與磚茶牽混應仍照二兩五錢完納稅餉至磚茶一項係專指茶末茶梗團成磚形者而言其式須方始為茶磚其物須價本較輕之粗貨始准照六錢納稅如有以茶葉及普洱茶等細茶團成圓餅朦報磚茶者自應由各海關嚴查罰辦因茶葉茶磚大有分別徵稅均應按照定章所有漢口商人販運之大花萼小花萼天尖貢尖芙蓉等茶在中國品茶而言均係上等細茶萬難照磚茶稅則一律辦理相應照覆須至照會者

○三口大臣咨俄商運貨由張家口回國單貨相雜照章扣留文

同治九年

為咨呈事准總理衙門咨准張家口監督呈稱四月初二日據差役報有脚戶駝來茶葉布疋等物聲稱係俄商之貨卸載通海客店僅有脚夫發帖呈驗並無俄商跟隨初三日據店戶報稱俄商到口經查街章京將貨單呈送都統閱看亥刻據察哈爾都統咨來稅單二紙職查驗後仍將稅單咨回查通商章程內載俄商販貨回國務須單貨相隨以憑查驗現來各貨交付脚人本商並無一人同行貨單亦未相隨誠恐沿途各關口查無貨單倘有攔阻致生事端請轉行三口通商大臣查辦前來本衙門查辦定俄國陸路通商章程內載俄商由天津通州張家口販貨回國務須單貨相隨以憑查驗等語原因貨單相雜易啟影射偷漏私行銷售之弊是以於章程內載明此條以便各關口易於稽查茲據張家口監督呈稱脚人駝貨到口俄商並無一人同行貨單亦未相隨實屬有違定章

且據差報並無俄商跟隨而居戶又報俄商到口經查街章京將貨單呈送都統閱看兩報相歧究竟有無俄商押貨同行殊難憑信况張家口監督為該口管稅之官何以俄商既經到口不親將貨稅單呈送監督查驗而由查街章京呈送都統閱看復由都統咨送監督種種情形難保非從中舞弊因思章程中只有務須單貨相隨一語而單貨如不相隨應作何辦理以杜其弊則未之及相應據呈咨明查照或將單貨相離一層仍照漏稅等事酌定一如何罰辦之法以補章程之不及與布領事官詳細議定知照各關口一同照辦以示限制而資炯戒或者該商有所顧忌亦未可知是否可行即希妥酌辦理並一面咨覆本衙門以憑核辦等因查俄商販貨回國章程內載明務須單貨相隨以憑查驗倘有商人遺失執照將貨物扣留中途即行報明原給執照之關並呈明日期號頭該關妥速補給執照註明補給字樣以便查驗放行等語並無議定如何罰辦之法今詳繹張家口監督原文該商茶葉布疋據差役稟明係四月初二日到口旋據店戶報稱該商於初三日到口並查街章京亦係初三日呈送稅單核計單貨相離尚僅止一日之期其為脚夫駝貨在前該商隨行落後以致中途參差似有明證且復經張家口監督將稅單二紙查驗自必單貨相符其為完納稅餉之貨無疑於稅餉並無出入祇須查明沿途並無折動抽換銷弄情弊即准查驗放行核與別項單貨相離有關稅項之例有間惟該商始則既不押貨同行繼又不親將貨稅單呈送監督查驗而由查街章京呈送都統閱看究

有不合之處是應議明辦法以杜將來茲本大臣面與俄國布領事將該商前項情節詳細酌核已與該領事議定此次該商初次違例姑准從寬嗣後飭知該國商人務令押貨同行到口後即將貨稅單徑呈張家口監督查驗如查有貨物到口並無商人跟隨呈驗稅單者援照十五款內所載商人遺失執照之例將貨物扣留中途俟該商到口驗明單貨相符方准放行倘有沿途銷售等情照例罰辦庶不致有影射偷漏之弊理合咨呈須至咨呈者

右咨呈總署

●通商門內地商務類

○口北道詳俄商請將貨幫改道復查室礙諸多未便文同治十一年

為詳覆事據多倫諾爾理事同知詳覆同治十一年正月初十日奉北洋大臣李劉開同治十年十二月二十一日准總理衙門咨准俄國公使照會內稱俄商因恰克圖向東居住較遠所有貨幫擬走多倫諾爾過鄂博圖卡倫至尼布楚城並非另創新意擬請改道行走等因前來本衙門查尼布楚城非中國境無官住紮稽查難周現在西北多事蒙古驚疑種種室礙難以遽改已將以上各情先行照覆俄使之意不過為體恤俄商起見而由多倫諾爾過鄂博圖卡倫至尼布楚城道路既遙室礙必多本衙門難以懸揣相應抄錄往來與會咨行詳細查核飭所轄之地方官弁逐一聲叙並繪圖貼說迅速詳覆以憑

核辦等因飭由道督飭該廳查明俄商擬改路徑有無窒礙迅速詳細議覆核咨等因奉此遵查卑廳駐紮察哈爾正藍旗地面去西北千餘里西林郭勒河一道為內外札薩克分界河南係西林郭勒盟十旗游牧廳屬商民赴外札薩克各旗貿易由阿巴埃旗地面行走河北即車臣汗部落歸庫倫管轄鄂博圖卡倫究在該處何旗界內其北距尼布楚城南接西林郭勒河各若干遠近無從查考緣蒙古部落均係游牧草地疆界四址各該旗或自知其分限卑廳祇理蒙民交涉事件其輿地界址無從知悉難以意度繪圖再查俄商改道行走由該國至諾數千里間無關無卡其携帶貨物往來倘沿途乘便與蒙人私相交易現當西北未靖蒙部正懷疑慮俄商往來其間必多窒礙且卑廳本非通衢管內向無留寓過客店座僅止七八牲畜店係口內牛羊販子租賃住居長年坐莊買賣並無閒房可寓客商將來俄商經由此地無處安寓恐亦未必方便不僅此也諾地僻在塞北五方雜處良莠不齊從前海口中外交涉每因奸民惹事生釁今俄商初議改道事多窒礙卑廳瞻前慮後通籌全局萬一將來本地奸民因其異言異服視為可欺藉生狡計欺蒙詐騙甚至生事致失中外和好之誼非惟於內地有損而於俄商亦甚無益似不若仍令該商照舊行走毋庸改道實於中外兩便等情所有俄商改道由多倫行走諸多未便並蒙部地面難以繪圖貼說緣由擬合具文詳覆須至詳者

右詳北洋大臣

○外務部咨俄商在張家口請地蓋房查無妨礙即可照准文光緒二十八年

為咨復事俄民擬在張家口建造鋪房行棧一事前准咨稱俄駐庫總領事來咨以張家口俄商日多請於口外劉蘭壩附近之滿濟布勒克境內給地蓋房以便住人堆貨等情劉飭會查明確繪圖貼說呈查核示遵等因本部當以張家口准俄民建造鋪房行棧載在條約俄領事請指地段如果確無妨礙自可准其居住惟該處是否官地抑係民間私產有無輻輳應妥核辦仍將辦理情形聲復等因咨復在案茲准咨稱承准咨開遵即飭飭察汗托羅蓋軍台參領遵照文內事理即將該台所屬滿濟布勒克地段是否官地抑係民間私產有無輻輳之處趕緊據實詳細查明詳報以憑轉呈等因劉飭去後茲據該參領緬蘇克那木濟勒報稱據俄羅斯人等訴稱此處地段我們未經開墾僅建蓋房屋收存茶箱暫住啟運等語參領等查核現在此地內並無民產尚無輻輳情形理合馳報祈備查辦等因前來查該參領詳報俄商所指地段並無民產尚無輻輳理合據情呈覆謹請查核飭遵等因本部查該處俄商所指地段既經查明並無民產及輻輳不清情事自應按照條約准其建造鋪房行棧以資居住相應咨行貴都統查照核辦可也須至咨者

右咨察哈爾都統

○察哈爾都統奎咨俄領請於滿濟布勒克境內給地蓋房以便住人堆貨文光緒二十八

為咨呈事據三品銜分省補用知府劉崇惠等稟稱竊卑府崇惠本月初六日奉到劄飭因准俄國駐庫總領事官來咨以張家口俄商日見增多請於口外剗蘭壩附近之滿濟布勒克境內給地蓋房以便住人堆貨一節事關通商條欵雖據查覆仍令會同前往詳查妥議呈覆等因遵即於初八日會同協領委員一同出口初九日由參領隨同履勘查明滿濟布勒克境內俄商請指之地東西中國四里約合俄國二里南北中國三里約合俄國一里半其中讓出買賣大道東去台路隔山四五里西去大紅溝隔山七八里南去黃花坪十餘里北去軍台住處十餘里委係空閒之地並無居人亦無建蓋房屋因查光緒七年中俄條約內載俄民建造舖房行棧或熬咸豐元年所定伊犁塔爾巴哈台通商章程第十三條辦法由地方官給地蓋房亦可等語撥地一節如或指此而言參領自無異議究竟如何辦理之處謹繪圖貼說會同呈請鑒核轉呈

外務部查核飭遵等因具稟前來理合將繪圖一紙一併隨文咨呈

外務部謹請查核示遵須至咨呈者

○津海關道詳俄商順豐洋行運磚茶經烏魯木齊關卡扣留應請轉咨放行文 光緒二十

九年

為詳請轉咨事現准駐津俄國領事來覺福函稱前據順豐行報稱該行於光緒二十七

年間有由漢口運津赴俄磚茶五百箱於是年臘月由津轉運張家口過烏魯木齊再赴俄境不料該茶行經烏木齊地方即被該處關卡將該茶貨扣留每百箱需索稅銀四兩而該商以茶貨業在漢口將稅項納清按照條約經過陸路不再重徵是以未行照納迨扣不放請速核辦等因前來本領事查俄商茶貨向在漢口關納清稅項後運津給照免稅再由陸運俄境不重徵稅比時該茶貨到津值天津亂後尚未設關是以權由本領事府給照起運詎該茶運至烏魯木齊地方被扣該官未曉約章致迄未放實於商運大有闕礙為此函請查照望速備文行知該處關卡立即放行仍請將應備公文速即交由本領事府轉致該處妥速投遞無誤是要等因准此除函復外理合具文詳請

憲台查核俯賜分別飭飭轉咨^{陝甘總督部堂}咨文查照分別咨行飭令放行各一角批發下道以便轉交俄領事投遞實為公便為此備由具呈伏乞照詳施行須至冊者

●行船門 行船類

○江漢關詳俄商輪船碰沈民船溺斃人命追賠結案文

為詳請事竊照俄國鵝生洋船在安徽采石磯江面碰沈桐城縣民朱元世民船船貨俱失淹斃兩命等情當經提訊船戶朱元世等供與報詞相同據此伏查民船朱元世販賣香末駕船下行忽遇俄國鵝生洋船在於采石磯江面攔腰橫撞致該船撞為兩截人船貨物全沈水底情殊可憫雖將朱元世等三人救起而所失船貨兩命自應按約飭令鵝

生洋船賠償即經抄錄原稟口供照會俄國領事官計研訊傳鵝生船主到案訊明嚴辦飭令全數賠償並照會職關稅務司那威勇轉飭鵝生洋船暫緩裝載應候此案議結再行知會復准那稅司函復以鵝生洋船稟請先行裝載有輪船公司行主擔保已據公司行主繳呈英洋九百元作押函請查復前來旋准俄領事官照覆以鵝生船主稟稱商船駛至太平府屬江面遠見本地蓬船順流而下當即放氣以警其行旋見伊船橫來商亦無法已碰其頭致遭截斷沈水實伊居意行險非商輪之不先覺請勿以該船戶一面所稟致該商有不自之污望祈洞鑒復訊等情即經以朱元世民船既被該洋船碰沈以致淹斃兩命船貨兩失非抵賴所能了事按照來文切實駁復並照請按約定期會審秉公斷結復准俄領事官照會據鵝生船主稟復輪船費用極繁貨欲速行願給恤洋銀一百元俾了訟事當即傳訊船戶朱元世等供小的所販貨價五百兩有借主可訊且人船業已兩失所給一百洋實難遵領據情照覆領事官准領事照會據該船公司具稟此案轉鵝勢難即了若必以質關之九百元全償民舟之失高即迫於應命豈能甘受此屈等語復經以民船被撞受屈即使全數賠償而人命尚然無著仍請定期會審核斷照會俄領事迅速見覆去後嗣准稅務司那威勇轉准俄領事官移送到英洋九百元稟據一紙轉請查收抵償鵝生船所碰朱元世民船一案請照飭交朱元世收領結案並移送英洋九百元稟據一紙前來查鵝生洋船在於采石磯江面碰沈朱元世民船船貨俱沈淹斃兩命自應飭

令全數賠償以昭懲儆迭經與俄領事官往復照會辯論並照請訂期會審該領事並未照辦以致案未審斷茲據職關稅司照會轉准俄領事官送到英洋九百元一票請抵償鵝生船碰沈朱元世民船之失雖賠未足數人命無著而案懸日久自應俯如所請准其結案以便鵝生洋船裝載出口藉資體恤除傳到朱元世朱有治朱長義到案即將送到英洋九百元當堂給領取具領狀保結附卷並照會俄領事官稅務司結案外相應具文詳請咨達總理衙門查照須至詳者

右詳湖廣總督

●禁令門

○奉天將軍增咨俄商買地並非通商口岸飭令退價還地文 光緒二十九年

為咨呈事案准駐奉辦理交涉事宜俄員珀佩第四百零五號照會案據俄國商人國洛士夫施德列禮奇克等稟稱商等價買華人楊新甫地畝一段坐落遼陽白塔寺懇請立案前來等因據此相應備文將原契一紙送請貴軍督部堂查驗真偽望即見復以憑核辦可也等因准此查約章載各國商民准在通商口岸賃房買屋租地照例稅契用印其在內地則無准置買房產之條前於廣寧英教士狼維禮及俄人于大國夫私買遼陽民地懇請稅契均經隨時照約駁回並咨報

貴署在案此案俄商人國洛士夫在遼陽白塔寺購買華人楊新甫地畝查該處是係內

地並非通商口岸該州不按約章奉行准予稅契殊屬不合現已劄飭該州迅將地價並稅契銀兩分別追繳如數發還俄商人國洛士夫將所買之地退還原主楊新甫領回以符條約除照覆外相應咨呈

貴部謹請查照備案須至咨呈者

右咨外務部

○外務部照復俄商由古城運茶赴伊犁不得在境內銷售文

光緒三十年

為照復事光緒三十年六月十七日准照稱據本國駐伊犁領事官電俄商欲前往古城購買茶葉運往伊犁本領事已發合宜應用護照中國地方官推辭簽字畫押等因查如此辦理違背俄中兩國一千八百五十一年所立商約之伊犁各處准俄商貿易之義應請轉飭伊犁地方官俄領事官所發辦茶護照簽字畫押為要等因前來當經本部電查去後茲准新疆巡撫電稱俄商販土貨回國沿途不得銷售條約所載甚明今俄領事所發護照在古城買茶運赴伊犁行銷未出華境係與約章不符地方官自難簽字已電伊犁將軍飭伊塔道與領事申明約章如另換執照註明俄商運茶回本國售賣不在中國境內行銷即仍予簽字等語本部查中俄新舊各條約及所訂陸路通商章程均載有俄商運貨回國沿途不得銷售之明文自不得藉約載伊犁各處准俄商貿易之義竟販運中國土貨在中國境內銷售致有碍華商生計相應照復

貴大臣查照轉飭駐伊領事遵照約章與地方官商辦可也須至照會者

右照會俄公使

○外務部咨俄員到蒙旗買馬應轉飭查禁文

光緒三十年

為咨行事光緒三十年二月初八日准北洋大臣電稱據新民府探稱俄員一格蘭往庫倫採買馬匹當經地方官告以蒙古王旗已奉行知查禁應無庸前往伊竟置若罔聞次日起身北去請咨理藩院行文防範等語查正月二十日本部曾將刷印中立條規並鈔錄俄使照送所認禁貨全單咨行查照轉行各蒙旗遵守在案茲准北洋大臣電稱前因相應咨行

貴院查照迅即轉行庫倫一帶各蒙旗如該俄員前來採買馬匹應按照禁貨各例不得售給以符局外中立之義並妥為防範免生事端為要須至咨者

右咨理藩院

○外務部咨俄國開列戰時禁貨應轉飭查禁文

光緒三十年

為咨行事光緒三十年正月十四日准俄雷使照稱本國政府電開本月十二日欽定章程認為戰時禁貨大概分列於下手執及砲隊各軍器鐵甲火器炸爆各料及器具砲與工程隊及軍隊中輻重之應用各物帶刺鐵綫扁瓶浮橋軍隊用備之物及號衣駛海船隻若遇掛帶局外商旗前往敵國海口有軍務之意船隻各式汽機各式鍋爐石煤石腦

油酒精電信得律風及鐵路各物料糧食飲料米石馬匹及他項牲口並海陸各戰應用各物應照請查照等因除電達東三省將軍遵守嚴禁並劄行總稅務司轉飭各關稅司一體查禁外相應咨行

貴大臣轉致各省通飭查禁可也須至咨者

右咨南北洋

按俄國外部於開列此項禁貨後又有新定戰例條規列入本書章程之禁令門

○外務部照會駐華俄使請禁俄軍勒買軍需文光緒三十年

為照會事本年五月二十五日本部照會日本駐京大臣文據傳聞日本武員有在遼西一帶招匪情事俄人屢以為言雖經迭與辨論仍多疑慮照會轉行日本武員切勿招匪免滋事端等因去後茲准覆稱本大臣詳加查核乃知我國武員並無招募匪徒情事而俄人反在日俄開戰以前即行招匪現仍用為臂助且有俄軍隊屢次度越遼河或又派人到小庫倫及其迤東各地並在蒙古等處迭經勒買軍中要需本大臣確有所聞惟因似此舉動殊屬有礙貴國確守中立之例應請由貴國政府照會俄國嚴行查禁是為至盼等因前來相應照會貴大臣查照須至照會者

右照會俄使雷

○駐華俄使雷照覆外務部請禁日本招匪編伍文光緒三十年

為照會事按照本大臣屢次請貴國政府注意於日本在遼河以西無理任便招募華人並准覆文以已經轉飭阻止各情近查此事仍未斷絕且係明顯招募除錦州外此事出於溝幫子及附近各處招集小股前往毀壞鐵路外刻已招齊數百人成股給以月俸俟日本武員到來前往東省各情惟日本力駁此事而該地方人所共知明談此事到該處之各國武官及遊歷人可為證據雖百方推駁而此係無疑可見貴國政府雖據理聲明然本地方官陽奉陰違稟報不實暗助日本茲有如此暗助之局外中立較不及於明戰矣相應據本國之命照請貴王大臣設從嚴之法以絕該地方官及日本之違員妄為為要須至照會者

五月二十九日

右照會外務部

○外務部照覆駐華俄使已查禁日本招匪編伍文光緒三十年

為照覆事本年五月二十九日接准照稱日本在遼河以西招募華人一事仍未斷絕除錦州外出於溝幫子及附近各處刻已招齊數百人成股給以月俸俟日本武官到來前往東省日本力駁此事而該地方人明談此事到該處之各國武官及遊歷人可為證據貴國政府雖據理聲明然地方官陽奉陰違稟報不實暗助日本請設從嚴之法以絕該地方官及日本之違員妄為等因本部查遼河以西地在局外前擬由北洋大臣派兵駐紮貴大臣屢次言其不便未允照辦以致該處匪徒出沒當難驅除至俄兵曾在溝幫子

一帶往來以及俄員招匪等事日本以中國未能攔阻甚有煩言近聞日本人招匪即以此為藉口中國地方官已將干涉此事之人緝獲懲辦並設法稽查隨時告誡如此辦理可謂毫無偏袒至若匪徒來去無常無兵彈壓乃係力之不逮並非禁之不嚴該地方官斷不陽奉陰違稟報不實亦絕無暗助日本之處茲准照稱前因除已由本部照會日本駐京大臣詰阻並咨行盛京將軍北洋大臣仍飭地方官嚴守中立切實查禁外相應照覆貴大臣轉達貴國政府勿信浮言實於大局均為有益須至照覆者

右照會俄使雷

○外務部照會俄兵穿用華衣請飭嚴行禁阻文 光緒三十一年正月
為照覆事俄兵穿用華衣一事光緒三十一年正月十八日准

照稱俄兵因冬令甚冷實穿用華袴褂此非朦隱俄人之跡緣有肩牌帽花日兵亦有穿華衣之人無論如何日政府不得向中國交涉應經駐紮森堡美國大臣與本國外部商辦等因當經本部照會日本駐京大臣去後二十七日准覆稱俄兵穿用華衣日軍不能分別為俄為華以致無辜華民橫遭槍擊至所稱日兵亦穿用華衣一節係屬毫無影響等語查俄兵穿用華衣以致華民誤遭槍擊中國為保護華民起見不得不照請轉飭禁阻相應照會貴大臣查照上年十二月十八日照會仍飭俄武員嚴禁俄兵勿再穿用華衣以符公例須至照會者

右照會俄使雷

○外務部照會德商販運禁貨被扣入官事與俄國無涉無庸俄領事會審文 光緒三十一年十二月

為照覆事德商圖木士禁貨被扣一事光緒三十一年八月十一日准

濶署大臣照稱俄商舒林景若實有將貨送往旅順之意稅官不應允貨出口該商送貨回津應按進口貨物章程不得按出口辦理該貨並無入口岸之禁品德領事請將案註銷可知德國洋行地亞士不過經理之人實有妨俄國貨主舒林景之利益請飭天津海關會同俄領事官審斷十一月十一日復准

貴大臣照稱濶前大臣照請津海關會同俄領事審斷係與鄙見相同各等因迭經本部咨行北洋大臣去後十二月初五日准覆稱德商圖木士雇用華船聚全順聚恩順由秦關運貨青島照例完稅發給出口准單恐其改運戰地令交押款擔保詎該商船聚全順行至膠州龍口被日人暨華人李萬青查出接濟旅順憑據搶去貨物殆盡該船遂折回天津東沽維時鈔關尚不知該船有潛運戰地情事故德商有與海關商報復進口納稅之說迨聚恩順駛至灤州海面被邢彩雲自稱日本繙譯搜出俄領事給旅順洋信事發到官始知聚全順船亦在其中分別電飭扣留查辦迨研訊該兩船水手等供據確鑿無從掩飾不得不將貨款入官以示中立國無所偏倚一秉至公之意德領事先不知情屢

次來函爭論嗣經查出圖木士前項重情因即函請將案註銷彼時俄領事在津並未出而爭辯眾供貨主實係德商圖木士並無俄商舒林景其人是此案起於德商結於德領事始終與俄國無涉等情查津關所扣禁品係屬德商圖木士之貨物業經德國領事王請津海關道將案註銷是此案早經完結本與俄國無涉自無庸會同俄領事官審斷相應照覆

貴大臣查照可也須至照會者

右照會俄使璞

○外務部照會俄員在榆關驗貨有違中立條規文 光緒三十一年七月
為照覆事俄員查驗榆關商貨一事接准本年七月初八日

來照所覆各節比即咨行北洋大臣去後本月二十一日准該大臣咨稱遼河一帶華民業船者甚多華商所運木料無論已成船篙及安配鐵鈎帶把與否要係華民自用並非運濟戰國不得視為禁貨此項木料該鐵路稽查人員因俄員不允載運電稟請示係慎重中立之意並未自認禁貨該俄游擊阿非納塞夫既非留駐通道之軍官究係何項人員倘係戰員不應擅入中立地界該俄員既有稽查禁貨責任又實行阻礙之事與戰員舉動無異何得在中立境內逗遛此案華官並無違背中立該俄員實屬妨礙局外至日本留駐通道之兵弁雖常在鐵路一帶往來但無阻礙運貨之事不得據為稽查之實証

查關內外鐵路一帶中國自行稽查禁貨辦法極為周詳無論何國運貨倘係接濟戰用無不立即扣留於俄兵駐紮

盛京以前及退出以後並無稍異何得謂為有名無實近來運出關外之貨一為各國洋商自用津海關道與各國領事訂有專章一為華商自用該省災黎垂罄販糧平糶兼濟農耕均取具保給不得售給戰國若謂接濟日本自屬無稽之談該俄員在榆舉動與中立條規不合應仍惟俄政府是問等因相應照覆

貴署大臣查照可也須至照會者

右照會俄署使潤

○南洋大臣魏札各關道申明俄國德治私傳消息辦法文

為咨行事光緒三十年三月十三日准外務部咨光緒三十年二月三十日准俄雷使照稱本國現在辦法關東沿岸附近地方及俄國海軍用兵之處如遇局外中立各國輪船內有傳信人用公約未詳各種巧妙器具與敵人傳遞消息者此項人即當作間諜論其帶無線電之輪船亦即俘獲充官茲遵本國政府諭令將此事照請查照等因相應咨行貴大臣查照辦理可也等因到本大臣承准此合行札飭札到該關道即便移行一體知照毋違此札

●獄訟門控斷類

伊犁將軍馬等會奏邊界歷年積案懇 派大員會同俄官清理摺光緒三十年
奏為喀什噶爾邊界中俄積案歷年未辦擬照伊犁塔城會辦同牙孜成案選派大員會同
俄官清理以重交涉恭摺仰祈

聖鑒事竊查新疆北路伊犁塔城南路喀什噶爾沿邊一帶均與俄境毗連兩國交界人民
錯處種類龐雜犷悍成性互相劫殺習為故常兼以訂約通商往來貿易之人既多雀角
兇牙無時不有彼此互控兩國官員輾轉行查動輒累月經年不能了結伊塔兩處積案
經前著伊犁將軍錫綸奏定每屆三年派員會同俄官清理一次俄語譯為司牙孜即猶
華言清理積案其法先由兩國邊界官員將未結各案事由及原被人證姓名彙造清冊彼
此互換預定日期擇中俄交界水旱兩便地方設立會所兩國另派委員各帶辦事人等
屆期同赴會所傳集案內人証秉公持平剖斷不用中俄法律各隨其俗察酌案情大小
或罰或賠或令入誓理處一經斷結兩造不得再有翻異實於息事甯人安邊睦隣均有
裨益應經會辦有案喀什自設道通商以來將近二十年並未辦過司牙孜以致兩國民
人互控未結之案積壓甚多上則官長徒滋文牘之煩下則邊氓難免拖累之苦當此時
局艱危交涉之事日繁一日因應之機亦日難一日前項積案若再遷延時日輾轉不清
不獨將來愈難辦理且恐因此另生枝節臣效蘇正擬飭喀什噶爾道與駐喀什俄領事商
辦聞茲據該道袁鴻佑詳准俄領事照會亦因積案終無了期擬照伊塔成案由兩國派

員定於明年俄曆六月二十日即中曆五月二十日在喀什所屬奇木霍爾罕地方會同辦理通與臣效蘇意見相同業經批准照辦以清積牘而重交涉惟初次開辦情形未熟意見難融得其人則措施得當固可化有為無不得其人則區區處失宜亦虞釀小成大出好興戎關係匪淺必須一洞達邊情之員前往督辦庶可隱消邊釁豈固邦交臣效蘇與臣亮往復籌商惟有伊犁索倫營領隊大臣志銳勤敏練聲望素孚蒞任以來於伊犁邊界諸事與調任將軍長庚及臣亮均能和衷商辦力任其艱中外人民咸深信服上年伊犁會辦中俄積案該大臣總司其事悉協機宜一月之間結案一千七百餘件實為歷次辦理所無經長庚奏明在案本年臣亮奏派學生赴俄肄業該大臣親自送往措置諸臻妥協於俄國政治民情實能留心體察此次喀什清理中俄積案若令與俄官會商一切必能使彼悅服就我範圍相應仰懇

天恩俯准即派該大臣前往督辦如蒙

俞允再由臣等即照會該大臣酌帶員弁馳赴喀什與俄官會辦以昭慎重至會辦積案應需各項經費擬請照伊犁成案在於新疆善後項下作正開銷由喀什道領支造報其辦事人員伊犁定章每屆准照尋常勞績酌保文職二員武職四員此次司牙政歷年既久隨帶人員稍多事竣後擬由臣效蘇揆案擇尤酌保數員以示鼓勵是否有當理合恭摺具陳伏乞

皇太后

皇上聖鑒訓示再此摺係臣效蘇主稿合併聲明謹

奏

光緒三十年正月二十六日奉

硃批著照所請欽此

○獄訟門命盜類

○商約大臣盛咨俄巡艦火夫斧斃周生有一案俄員忽滅等治罪應將原案咨送駐使商

辦文 光緒三十一年正月

為咨呈事竊照俄國阿思科爾巡洋艦頭等火夫特蘭提阿基夫斧斃周生有一案本月與俄國駐滬總領事會議案情本大臣查明阿基夫行兇斃毫不相干一無辜過路之人實屬非常兇橫自應按照俄國刑律第一千四百五十八款科罪奪去一切利益罰作苦工監禁八年此條在俄國承審官判詞亦已聲叙惟判詞忽又滅等治罪祇按輕忽定擬奪去一切利益罰作苦工監禁四年本大臣查阿基夫無故砍斃路人如此強暴若僅以輕忽二字減等定擬殊不公平道自應檢齊案件咨送使俄國大臣咨照俄國外部轉咨海部覆加核辦仍照俄國承審官原議監禁八年治罪俾昭平允除照會俄國駐滬總領事官查照外相應咨呈

貴部謹請查照須至咨呈者

右咨外務部

●獄訟門 補銜類

○外務部札俄兵在小保吉巷滋事已經從重治罪文光緒三十一年三月

為札行事前准呈稱二月初六日有俄兵二名在鐵香爐口內小保吉巷地方滋事立即派弁捕拏該兵逃逸未能扭獲茲將該兵帽帶送呈請照會俄使查明嚴懲等因當將原送帽帶飭本部繕譯轉送俄館並函達該使查明懲辦去後茲准覆稱所有俄兵施克羅夫及馬列尼克福二名行為不正該衛隊統領按照軍律從重治罪每名監禁一個月其一名革其外委之職等語相應札行五城御史查照可也須至札者

右札五城御史

○附錄巡視五城察院原呈

為咨呈事二月初六日未刻本部堂經過鐵香爐口內小保吉巷地方適有該處居住之蘇李氏上前喊報據伊供稱我男人趕車為生於本月初六日午後忽有俄國洋兵二名到我家中硬要洋錢並在我屋門口外小便我乘間跑出正在告知紮段練勇之際適值大人經過喊請派弁身緝拏等情本部堂立即派令哨官上前捕拏旋據哨弁回稱該洋兵急力逃逸未能扭獲隨即追捕僅將該洋兵身上帽子皮帶留下查洋兵在地面滋生

事端歷經

貴部照會使館嚴行懲辦有案此次該俄兵竟無事出城到住戶家硬要洋錢並在屋外小便實屬擾害地面若不嚴行懲辦居民受害何堪設想相應咨呈
貴部請煩照會俄使查明嚴懲以靖地面望速施行須至呈者

●游學門

○駐俄大臣胡咨留學俄國各項學校學生情形文光緒三十一年五月
為咨覆事承准光緒三十年十二月二十六日

大部咨行與學務處會奏議覆出使比國大臣楊奏游學辦法一摺並恭錄
諭旨刷印原奏咨行查照等因本大臣承准此查留學學費各國不一誠如

大部會奏所云財力有贏絀咨遣有先後各自籌辦遂致參差即所寓國各學堂學費暨
應備各科書籍儀器所需亦不一律兼之幣制不齊以本國銀兩兌換寓國貨幣亦特有
參差之處茲將留學俄國各生學費分別學堂詳細列表咨呈
大部謹請察覆並轉咨學務處查照須至咨呈者

右咨外務部

●傳教門 傳教類

○豫撫陳咨革員范紹曾因業投教請飭革歸案辦理文光緒三十一年六月

為咨呈事業據河南交涉局司道詳稱為遵飭核議詳覆事光緒三十一年六月初一日奉札開光緒三十一年五月三十日准駐京俄主教英諾肯提一函內開敬啟者竊照主教欽奉大俄國大皇帝諭旨遠渡重洋來中傳教又欽奉

大清國

大皇帝允准飭下各直省遵奉在案歷年既久不特童叟虔誠奉行抑且海內名流同生歆羨現在直東陝甘等處及江浙皖鄂楚南關內外諸處教堂林立民教相安庚子之變教眾赴義致命者不可勝計並無一人為逆者足見東正教道義純正著有成效堪與夫子之道相輔而行員省彰德衛輝懷慶等府英法各國均有教堂惟我俄國東正教教會未立殊為缺典現擬於衛輝適中之地汲縣延津等縣設立東正教教堂所有房屋田產托付敝教教士嫩特爾范紹曾辦理查范紹曾在敝教習學多日明於儒理兼通教規堪以派往河南傳教主教管轄地面太廣深恐鞭長莫及倘有地方無賴棍徒及不顧大局州縣統祈照章保護免生事端實為公使等因到本部院准此查寄居汲縣之已革山西知縣范紹曾今年正月間因與卸任汲縣袁令挾稅契之嫌持刀逞兇復畏罪遠颺當由司局派委候補知府陳守文熙前往查訊並嚴飭署汲縣張令嚴密查拏務獲究辦嗣據委員陳守稟覆查明該革員范紹曾素不安分欺壓善良此次犯事後逃往京師俄使府內一時難以到案等語誠恐其因案投教業經本部院將此案詳細情形呈達

外務部查照並札行該局知照在案茲准前因查各國教士赴中國內地傳教載在約章
惟以中國廢員且係顯有過犯之人若派充教士傳教似非所宜應如何查照約章妥慎
辦理合亟札行札到該局即便查照迅速核議詳覆以憑核咨切切毋延此札等因到局
奉此本司職道等詳加核議豫省向無俄國教堂惟查俄約第八條內開嗣後中國於安
分傳教之人當一體矜恤保護若俄國人進內地傳教者領事官與內地沿邊地方官按
照定額察驗執照果係良民即行畫押放行等等語該革員范紹曾劣迹昭著既非安分
之人自不在矜恤保護之列况該革員因在豫犯事欲藉傳教為名已可概見應請咨明
外務部照會俄使轉告俄主教以該革員范紹曾係顯有過犯查拏未獲之人惡迹多端
如果入教誠恐敗壞教中名譽為害甚鉅自應革除教外以肅教規並請咨明順天府查
傳該革員范紹曾遞回河南歸案辦理所有議覆緣由詳請鑒核等情到本部院據此查
前因該革員范紹曾因案逃往京師業經本部院將此案詳細情形函達

貴部查照在案茲准俄主教來函當經飭由司局核議查該司道等議覆各節自屬查照
約章辦理該革員范紹曾既係顯有過犯查拏未獲之人如果入教誠慮滋生事端俄主
教自應將其革除以保教中名譽且於約章相符除咨達順天府查傳該革員范紹曾遞
回河南歸案辦理外相應咨呈為此咨呈

貴部請煩查照希即照會俄使轉告俄主教查照辦理望切施行須至咨呈者

右咨外務部

●償借門

○外務部照會海參崴亂事華商被害請達政府賠償文光緒三十一年十二月

為照會事案查海參崴滋生擾亂華商致被損害一事業經本部於十一月初三日呈達

貴大臣轉請

貴國政府允認賠償尚未接覆現復據駐崴委員將該埠華商因亂被損情形詳晰具稟前來查海參崴為

貴國領港該處官員有管轄地面之權即有保護旅寓商民之責所有旅居該埠華商因此次釀生變亂慘害無辜以致生命財產損傷甚鉅是關於此案賠償損失一事

貴國政府不能不擔其責任現據該商等將損害情形開具失單稟由駐崴委員詳報政府懇為代索賠償情詞迫切特再備文照會

貴大臣轉達

貴國政府速為允認飭知駐崴俄員會同中國委員確切查明持平商辦以安眾心而符

公理並希

見覆為要須至照會者

右照會俄使漢

○俄使璞照復海參崴亂事華商被害已達政府核辦文光緒三十一年十二月
為照覆事查海參崴滋生擾亂一事准

照稱現據該華商稟由駐崴委員詳報懇為代索賠款等因前來本大臣業據前因奉
達本國政府查核相應照覆

貴王大臣查照可也須至照覆者

右照會外務部

●鐵路門

○外務部奏覆山西柳太鐵路商改合同摺光緒二十八年

奏為遵

旨議覆恭摺仰祈

聖鑒事光緒二十八年五月十八日山西巡撫岑春煊奏柳太鐵路宜亟興辦合同尚須詳細

改訂一摺奉

硃批外務部會同路礦大臣議奏片併發欽此由軍機處鈔交到部查原奏內稱前撫臣胡聘
之於蘆漢幹路既開推原湖廣督臣張之洞用晉鐵之奏議開太原枝路以接正定幹路
由商務局借洋款興造當經奏文總署核訂合同奉

旨飭由晉省商務局紳與俄商璞科第畫押准借道勝銀行二千五百萬佛郎克約合華銀六

百八十萬兩興修由正定柳林堡至太原鐵路中因奉教之變暫行停輟現璞科第擬將二十四年奏訂柳太合同改照蘆漢合同底稿呈請核訂當飭司道等妥議以璞科第擬改合同與蘆漢柳太兩合同多有未符事關重大實未敢草率定擬惟鐵路要政義無緩置璞科第又催促開辦亦未便稍事稽延應請

飭下外務部路礦大臣及督辦蘆漢鐵路大臣盛宣懷就原訂柳太合同蘆漢合同參照此次呈改合同何條可行何條可廢商明璞科第另訂合同行知晉省俾得迅速興辦另片又稱該俄商既擬將合同照蘆漢改訂則其篤信蘆漢之約可知柳太本蘆漢枝路如

飭令盛宣懷督辦則事歸一律補救必多各等語臣等正在核議間適璞科第到署催訂合同當將晉撫所奏各節切實與商璞科第願將此段鐵路作為蘆漢分支由道勝滄行總辦就近與督辦蘆漢鐵路大臣面議即經臣部函達盛宣懷核辦去後現據盛宣懷以正太鐵路歸併蘆漢係屬正辦已與滄行總辦晤商等情復前來臣等竊維晉省土產饒沃尤以煤鐵為大宗祇因關山扼塞運道多艱若修鐵路以便轉輸於大局實有裨益按照原訂合同該路起於正定府之柳林堡其發軔始基即在蘆漢車站相近之處自應作為蘆漢分支俾得聯絡一氣庶將來西北土貨貫注東南不但晉省商民坐致懋遷之利即蘆漢幹路兼收轉運之資揆之地勢商情均為利便相應請

旨飭下盛宣懷按照蘆漢鐵路辦法與俄商妥訂詳細合同奏明辦理所有臣等遵議緣由理

合恭摺覆陳伏乞

皇太后

皇上聖鑒訓示再此摺係外務部主稿會同路礦大臣辦理合併聲明謹

奏 光緒二十八年八月初六日奉

硃批依議欽此

謹按柳太鐵路由晉省商務局紳與俄商訂借華俄銀行款為之迨拳教亂後改訂合同名曰正太鐵路矣

○鐵路大臣盛秦山西正太鐵路請歸併總公司借款興造摺 光緒二十八年

奏為正定太原借款興造鐵路作為蘆漢分支遵

旨歸併總公司另訂詳細合同辦理恭摺具陳仰祈

聖鑒事光緒二十八年八月十六日承准外務部咨開會議山西巡撫奏柳太鐵路歸併蘆漢總公司辦理另訂詳細合同一摺奉

硃批依議欽此鈔錄原奏咨行到 臣並先准函鈔山西撫 臣岑春煊原奏摺片暨原訂改訂各

合同寄送酌核前來 臣詳加覆核此段鐵路發軔於正定府柳林堡附近蘆漢車站由幹

分枝本甚利便俄商璞科第先與山西商務局紳訂定合同延擱未辦改照蘆漢辦法另

擬條款赴部催訂撫 臣部 臣以晉路必辦時異勢殊奏奉

諭旨飭臣詳細另訂則凡條目之操縱損益應以按照蘆漢幹路辦法為斷既奉歸併總公司
應收權利須與幹路貫注一氣詳細新約簽定原訂合同即宜作廢庶鈐束專一不致兩

歧臣奉

命以後俄商璞科第亦電囑華俄道勝銀行駐滬總辦就臣商辦沈思熟慮磋商再三訂定合
同二十八款又行車合同十款計直隸正定府至山西太原府應修支路約五百華里內
分兩大段落第一節由正定至平定州屬之平潭地方第二節即由平潭至太原全路工程
限三年告竣訂借法金四十萬佛郎克照現在市價約合華銀一千三百萬兩上下九扣
交付周年五釐起息即以該路進款作保查借款總數較原議為多經與再三駁論據該
銀行聲稱覆勘道路艱難工費照原估加增且路工未成之先息銀須在本銀內支付若
不從寬借備恐致中途停輟並據開送約估經費清單前來當於第十八款載明工竣借
款尚有餘贖則所贖之款應繳還中國

國家第十九款載明購料用款細賬每三箇月造送總公司查核路工應需各款所派總辦
大員會同總工程師簽字憑單給發似此認真鈎勒當可杜絕虛浮至出售借款小票第
十年起分二十年勻還造路期內就本付息路成以後逐年給息還本悉由進款提付期
限屆滿款未全清訂期展緩以借款清訖為止期限未滿中國別有大宗公款足償本息
立時銷廢合同行車進款由我自收期內遴聘造路洋員須由督辦大臣核准華員於營

造駕駛確能稱職亦可隨時指交委用機件材料先儘中國工廠承辦即向外洋訂購亦須比絮價值凡遇調兵運械賑饑等事照核定車價減半給發儘先載運借款清還以後全路機器車輛一切完全妥善點交總公司照常行駛以上各節於用人事權限務極嚴明間與蘆漢合同字句有削繁就簡之處則緣總公司先經請有部款正太支路則專藉借款雖移步而換形仍同條而共貫斟酌數四無可再商理合先繕具清單恭呈

御覽俟奉

旨批准再行簽印飭由該銀行選訂總工程司並會商山西撫臣遴派大員會同興辦至將來買地鳩工彈壓地方一切事宜應照山西撫臣原奏當由晉省任之以期妥善除將該銀
行所呈地圖並約估工程價單一併咨呈外務部查核外所有總公司遵
旨另訂正定太原鐵路借款詳細合同緣由謹恭摺具陳伏乞

皇太后

皇上聖鑒訓示謹

奏

○外務部奏覆山西正太鐵路改訂合同摺

光緒二十八年

奏為遵

旨敷議恭摺仰祈

聖鑒事光緒二十八年九月初二日准軍機處鈔交督辦鐵路大臣盛宣懷奏正定太原借款
興造鐵路另訂詳細合同一摺奉

硃批外務部覈議具奏單二件併發欽此_臣等查直隸正定府至山西太原府鐵路與蘆漢幹
路相聯一氣擬請作蘆漢分支經_臣部於本年八月初六日議復山西巡撫摺內奏請
飭下盛宣懷按照蘆漢鐵路辦法與華俄銀行另訂詳細合同奉

旨允准在案現據盛宣懷奏稱此段鐵路約五百華里全路工程限三年告竣現與華俄銀行
駐滬總辦熟商計借法金四十萬佛郎克照現在市價約合華銀一千三百萬兩上下九
扣交付周年五釐起息訂定合同二十八款又行車合同十款繕具清單恭呈

御覽候奉

旨批准再行簽印飭由該銀行選訂總工程司並會商山西撫_臣遠派大員會同興辦等因並
將該銀行所呈地圖暨約估工程價單咨送前來_臣等詳加復核證以蘆漢鐵路合同其
還本付利用人購器一切辦法悉屬相符至訂借四十萬佛郎克較多於山西商務局原
訂合同二千五百萬佛郎克之數經盛宣懷與該銀行再三駁辯當據工程師復勘實因
該處關山艱阻工費加增且路工未成之先息款須在本銀內支付不得不從寬籌備以
竟全工_臣等參攷地圖並查核估價清單其所稱工艱費鉅自係實在情形將來全路告

竣如有餘款仍繳還中國

國家其路工應需各款由總公司按期查核合同內均經載明似此認真鉤稽自無虛冒其餘各款蘆漢鐵路固已行之無弊應請准如所議辦理如蒙

俞允即由臣部咨行盛宣懷與華俄銀行總辦公司簽押並由山西撫臣派員經理地方事宜以期妥速興辦所有臣等叢議緣由理合恭摺覆陳伏乞

皇太后

皇上聖鑒訓示謹

奏 光緒二十八年九月十二日奉

硃批依議欽此

謹按正太鐵路初議借華俄銀行二千五百萬佛郎克嗣經改定合同籌借四千萬佛郎克然則此路性質純係華俄銀行出資經營之雖非全屬俄人之手而不得謂俄人之無與焉故列入俄國部

○外務部奏請正太鐵路改用窄軌摺光緒二十九年

奏為正太鐵路擬請改用窄軌恭摺仰祈

聖鑒事竊直隸正定府至山西太原府鐵路合同臣部業於光緒二十八年九月十二日核議

具奏奉

旨允准當經咨行督辦鐵路大臣盛宣懷與華俄銀行總辦公司簽押在案本年正月間據華

俄銀行代辦璞科第彙稱正太一路山徑崎嶇難容寬軌宜改用一密達之窄軌以免稽時枉費等語_臣等當以此路係蘆漢分支應照蘆漢四尺八寸五分之軌一氣銜接未便稍有參差乃該代辦等堅執前說謂寬軌用費照原估四千萬佛郎克必須加增兩倍工艱費鉅於事無裨_臣等復詰以窄軌與寬軌相較所差祇一尺五寸有奇即山路施工較難亦不至頗增鉅費時適盛宣懷在京亦與該代辦迭次駁論彼終以該處地勢險阻為詞_臣等因商令盛宣懷派員與洋工程師再行詳細履勘以期確鑿茲准盛宣懷先後函雷復稱現據總工程師埃西巴尼呈送路線圖稿與蘆漢情形大不相同其圖內擬用窄軌開鑿工費已屬不貲若欲加寬其用款雖不至加增兩倍然必曠時糜費將來入不敷出亦屬可慮閱其查勘總圖係屬向北沿河新闢之路煤鐵諸礦均在左近詢其何以舍驛路不用據稱北天門西天門等處亦曾測勘更難施工質之山西派來委員所言相符又據前護理山西巡撫吳廷斌函稱固關一路山河叢雜險峻尤多不若娘子關路徑較捷而留此固關一路數天門之險尚堪鞏固晉疆商民往來故道如常輿情亦均稱便等語娘子關即係已測之路既難容寬軌即令再勘固關一路險峻尤甚亦必無濟且吳廷斌尚欲留此故道以順輿情未敢再執成見至今虛糜鉅款等因並將圖說派員齎送到部_臣等竊維路軌尺寸本以一律為正辦但或阻於地勢或限於財力不得不改寬為窄泰西各國亦有此例今據盛宣懷所稱各節證以圖說該處山路險阻宜用窄軌尚屬實

在情形應請准如所擬辦理如蒙

俞允即由臣部咨行督辦鐵路大臣盛宣懷飭令洋工程師依限開辦所有正太鐵路擬改用窄軌緣由謹繕摺具陳伏乞

皇太后

皇上聖鑒訓示謹

奏 光緒二十九年七月二十九日具奏本日奉

硃批依議欽此

○出使大臣胡奏俄人建造東三省鐵路工竣情形摺

光緒三十年

奏為俄人建造東三省鐵路竣工謹陳現在情形並繪圖列單恭摺仰祈

聖鑒事竊考俄人謀築悉畢利鐵路以聯絡其東西二萬餘里之轄境發議在咸豐初年興工在光緒十七八年終以紆繞黑龍江沿邊工艱路遠遲久未成自光緒二十二年商允建造東省鐵路於是悉畢利之路始克借道我境而東西貫通光緒二十四年又商允接造南境枝路於是東省鐵路始直達經年不凍之旅大海口而與太平洋水路一氣貫注往來便捷形勢因而變遷該路於上年秋冬間逐漸行車至本年六月一律開通正條約所謂路成開車之時矣查幹路長二千八百餘里枝路長一千八百餘里以松花江南岸之哈爾濱地方為兩路樞紐該處介呼蘭伯都訥之間東距三姓甯古塔西北距齊齊哈爾

南距吉林均不出三四百里官私圖籍向未載列而地居滿蒙正中道路四達附近千里水土膏腴尤宜耕牧鐵路總公司設立於此其他官署商廠銀行教堂已建石屋三百餘所現尚興築未已是為東西要衝而枝路亦即於此處分歧南向總計幹枝兩路停車之驛大小九十八所又未立驛名預備客貨上下以及雙軌互讓之處共一百七十一所在路大小職事俄人十居其九每隔一二十里有兵房駐兵車行經過則出一二人負鎗肅立其在大驛更駐重兵名曰守路哈爾濱現在兵房可容四五千入幹路上小枝路一條達松花江岸長七里枝路上小枝路六條其一陶賴洲一條亦達松花岸其二煙臺一條長三十里達煤礦其三大石橋一條長四十里達遼河岸之營口河之對岸即中國內地鐵路俄路軌寬內地軌窄隔河相望為關鍵要地其四瓦房江一條長十一里達儲煤地其五大方身一條長十五里達大連灣與旅順同為軍埠其六南關嶺一條長二十九里達青泥窪即現允作商埠之地查大石橋枝路尚在旅大租約所謂隙地界綫之外大方身南關嶺二路則已在租界內矣今又自長春造一枝路以達吉林省城尚未竣工現自旅順直驅俄都僅十三四天以後尚欲增加速率縮短時期由西而東又與德法等國來俄界之急行車時刻相湊俾可直抵亞東無稍遲滯現急行車每七日五次明年六月以後則每日一次緩行車早經日日開駛此其現在開車轄路之情形也至全路雖已告成而初造時急於完工基礎未堅工料尤槩所用軌條每二尺五寸僅重四十八九磅不勝重載

現擬改用六十四磅之軌而逐漸移舊軌就近改作他用且加工填築故一面行車一面仍施工不輟兩路橋梁共六十二處最長者為松花江兩橋一長二百六十七丈一長二百零七丈次者渾河橋亦長二百零七丈諸橋雖已通車石工尚多未竟又東境鑿通山腹成隧道六處長者二百七十七丈次者六十六丈西境興安嶺為全路第一難工應鑿隧道八百零一丈施工甫半現尚盤旋山頂升降危險約計來年方克藏工又因冬令苦凍沿途取水不易故蓄水之塔厥工尤鉅尚在陸續修造火車行駛首重儲煤東省本饒礦產現俄人於南境枝路已開煙臺及達爾尼北兩處煤礦據俄前戶部大臣所報該兩處之煤非但足供鐵路公司之用並可在青泥窪售賣出口又幹路西端札來諾爾地方新開煤礦深七八百尺寬四里長二十里煤質絕佳非但足供東省鐵路之用並可供其悉畢利鐵路之用其他煤礦待開者尚多此其現在施工採煤之情形也至路線所過經彼三次測勘然後選定不惟避遠就近避難就易尤能擇扼要區高掌遠撫謀興利於永久而非徒近計目前其在哈爾濱則首建兵房官署及一切公所並竭力謀設各種製造廠以招集工商全仿其二百年前經營森彼得得僅成法其在青泥窪則首設地方官與工程局亟從事於修道築隄濬海及各種公所專注意於興商全仿其經營黑海之阿壘沙商埠成法至旅順為鐵路盡頭又全用軍律章程其築壘置防所費尤鉅所事尤密又議照昔年悉畢利辦法每歲移民若干萬以實松花江四近沃壤俄本農園耕牧是其所長近頗

由農而進造於工據其戶部大臣所籌此次移民工農並重此其現在經營持久之情形也查其經費自光緒二十二年立約之後至二十七年止於五年中在東省用去鐵路工築費二萬八百六十五萬二千六百盧布造車費三千四百三十五萬盧布勘查費四百萬盧布購地費四千六百萬盧布旅順口修築費一千三百萬盧布計共三萬萬盧布有奇而昨今兩年所用尚不在此數據其戶部大臣所報即青泥窪賣地一項可收回地價一千五百萬盧布準此以推極東生財之道正自無窮等語然目下尚未臻此境當光緒二十六年借國債九千五百萬盧布次年又借七千六百萬盧布聞多供鐵路之用此誠非絕大魄力絕大資本未易哉此鉅工興茲遠利我

國家根本重地有此數千里長之鐵路縣延連屬善為策應亦未始不可默籌利用以惠此三百萬方里之居民惟成事貴審先機方今路戾伊始或亦尚堪措注竊查兩國交界鐵路相通必有合乎公例之條約互相維繫如西一千八百六十四年巴晏法國路約一千八百六十七年法普路約一千八百七十五年俄奧路約一千八百七十八年瑞士都城會議萬國路約之類大抵首以貨物信件彼此責成為重界線上稽查貨稅各有專章價值時刻等事互相商定俾萬國有所遵循而兩國得均利益此為各國法律家所公許應由督辦東省鐵路之中國大員與彼之政府公司銀行隨時晤商奏

聞先事籌措自庚子亂後督辦無人接洽探討未有專責此或非彼所急而為我所不宜過

緩者也又兩國道路大通交涉情形迥非昔比現今沿途工作貿易觸處皆是俄人况彼方議移民奪主宣賓防閑尤為棘手又一年以來華民負販至俄不絕於道富商巨賈亦頗有挾資遠來考察商情物價謀興生業凡此工商要政無一不與外交相關將來或添設官員維持權利保衛商旅尤宜因勢利導未雨綢繆但非親歷其途將悉畢利沿路情形與東省沿路情形詳考熟思事事比較誠未易輕議此臣所當殫心竭慮審察周諮以仰答

宵旰憂勤之至意者也臣駐節是邦見聞較確不敢不詳細瀝陳應如何豫為籌畫俾於慎重邦交之中仍不失鞏固邊防惠恤商民之策伏候

聖裁訓示不勝欽仰感激之至再東省鐵路向由俄戶部管理刊有細圖分色奪印頗稱精確事關道里非圖不明臣謹就該部原圖擇要譯漢鐵路所經暨車驛名目均識以紅綫紅字仍飭工精印並開列車驛里數清單敬呈

御覽副以俄文原圖以資印證統由外務部隨摺代呈所有東三省鐵路現在情形並繪圖列單恭摺上陳伏乞

皇太后

皇上聖鑒謹

奏

○出使大臣胡奏俄人建造東三省鐵路大概情形片光緒三十年

再俄造東省鐵路據條約所載原為接續其悉畢利鐵路起見自旅順北行經哈爾濱折而向西凡三千五百十四里而至滿洲里驛出驛過額爾古納河即俄界凡二千二百四十里達拜喀爾湖邊是為悉畢利之東境此湖即中國漢代所稱北海四周高山現俄人築路南岸瀕湖倚山工程過艱約明年夏秋方告成今尚以舟載輪車而渡舟能碎冰雖隆冬堅凍無阻行程渡湖二百六十二里達伊爾庫次克為東方極大都會商務轉輸頗盛又六千九百四十里達車里雅賓斯克統稱西悉畢利鐵路經過大城如鄂穆司克等四五處皆耕牧之地每歲自歐西移民絡繹不絕自此赴歐亞分界之烏拉嶺嶺西地方繁盛四千一百十里而達俄舊都莫斯科為鐵路四達之區又一千二百零八里而達聖彼得堡統計自旅順至聖彼得堡為程一萬八千餘里查歐美極速火車每一小時行一百八十里每晝夜二十四小時如無停頓可行四千餘里則一萬八千里之路原不過五日而至但平時客貨來往勢不能不節節停留又俄國火車本不如他國之速其在悉畢利以東尤不如遠甚加以鑿山繞湖工多未竟故現在須行十三四天他日車行如疾其迅速更可想而知矣自莫斯科分路往德奧國界皆不出一二日程德奧皆用窄軌故換車界上便可通行各國此悉畢利鐵路大概情形亦中外陸路車通大概情形謹繪簡圖

進呈

御覽又自哈爾濱折而向東凡一千零六十四里出中國東界又一百八十二里而接其烏蘇里鐵路南至海參崴二百二里北至伯力即哈巴羅甫一千二百三十二里皆一車可通此又東境鐵路大概情形合併聲明伏乞

聖鑒謹

奏

○吉林將軍長奏吉長自建枝路籌款不易仍歸公司修造摺

光緒二十九年

奏為吉長枝路自修籌款不易改擬辦法仍歸公司修造繕具合同清單恭摺仰祈

聖鑒事竊奴才等前因東三省鐵路俄已修竣意欲展修省城至長春枝路以接幹路奏請專歸中國自行興修以保利權於光緒二十八年六月初七日專摺密陳奉

硃批外務部議奏欽此嗣經外務部奏覆吉林省城至長春一段鐵路亟應籌款自築此段工費約計需銀二百數十萬兩應請

飭下戶部先籌的款八十萬兩為之基礎不敷之數即由吉林將軍就地籌集或招集華商股分等因又經戶部奏覆此款先據外務部咨商當經臣部片覆在案今外務部奏請戶部先撥的款與部議辦法先後次第稍有未符應請

飭下吉林將軍仍查照臣部前議將本省自籌之八十萬兩集有成數並招商費之一百萬兩辦有端緒即行奏咨報部臣部再將籌備銀八十萬兩撥給該省等因先後奉

旨依議欽此各鈔奏咨行前來復查此段路工本係俄與展修屢來商權奴才等因原訂東省鐵路合同並未議及於此始而駁阻繼而不得已以緩辦應之一面函商督辦鐵路大臣設法籌集華股專歸中國自修嗣因該大臣久未見復該鐵路公司屢來催詢於是始有請旨飭籌自修之奏迨奴才長順赴哈爾濱與俄戶部尚書維德會晤談及枝路一事窺其意在必修旋據俄代辦達聶爾由哈爾濱來省面催定約其時未奉部覆於是又有由電請

旨飭催議覆之奏旋奉外務部復電枝路議歸自辦等因以此專告俄代辦達聶爾而達聶爾復日來辯說另致奴才等一函極言此路歸華另辦之難歸公司接辦之易內具五說頗

中肯綮奴才等見其詞決情迫勢難再緩因先擬草約十六條抱定枝路與幹路不同出

以相示意謂彼如就範則不致盡失利權彼如駁回則我亦有詞復絕詎知達聶爾見此草約既未降心相從亦不甘心退讓日以歸公司接修便利之言來相絮聒奴才等堅詞

駁辯反復磋商彼始帶草約復返哈爾濱而去此創議接修枝路之原委及未奉部覆以前疊次與俄商辦之情形也今外務部議覆由戶部撥的款八十萬兩不敷之款就地籌

集戶部又議今先將不敷之款籌有端緒再行照數撥款無論吉林邊荒初闢民非富庶兵燹後更形彫敝無此鉅款可籌即云籌集華人商股則該路有利無利尚難操券恐無

人以有用之錢委諸不可知之數此等工程夫豈不名一錢所可措手且奴才等當日奏

請將此枝路專歸自修意在借枝路之權以分幹路之利今我力既有未逮而俄意在所

必爭我如執定自修勢必先集商股既集商股難保不暗入洋款此非同正太鐵路可以借外債為之者俄人之藉端阻難自在意計中可慮一修路物料惟山有木可以取資而鐵軌機器必須購諸內地此等笨重之物車運固難運諸鐵道彼必多方挾制可慮二路既自辦必須速成我或以財力之微而曠日持久彼必以遷延之故而越俎代謀爾時坐廢半途前功盡棄可慮三省城雖商賈輻輳並非通衢自三省鐵路工竣而東北兩路貨車悉趨長春不復迂道至省設枝路成後獲利無多或竟無利可取則一時之鉅帑虛擲而逾年之賠累難堪此尤可慮者四是以奴才等於既奉部文以後復將此項工程細加考查再三審度覺俄員所言以歸公司接修為利似非相欺現據達叻爾將帶回合同與總副監工覈定各繕華俄文復行寄省專待彼此簽押奴才等覈其字句稍有更易而大致相同當與商明簽押後仍須請

旨定奪謹將合同十六條敬繕清單恭呈

御覽並請

飭下外務部覈覆施行所有吉長枝路歸公司接辦緣由是否有當除咨呈外務部查照外理合恭摺具陳伏乞

皇太后

皇上聖鑒訓示謹

奏 光緒二十九年七月二十三日奉

硃批外務部議奏單併發欽此

○吉林將軍長奏重設哈爾濱鐵路交涉局並增改章程摺 光緒二十七年

奏為派員重設哈爾濱鐵路交涉總局並派設分局增改章程緣由恭摺仰祈

聖鑒事竊查吉林省北哈爾濱為東省鐵路總會之區交涉殷繁光緒二十五年前將軍延茂

奏設鐵路交涉總局由省派員專辦通省鐵路交涉事宜上年邊蒙懇開該局員回省後

局房即付之一炬現在路工一律興修該處繁盛過昔華俄各商民趨之若鶩交涉愈多

是以俄總副監工茹格維志等前遣其代辦達攝爾來省仍以設局為請並擬有合同十

一條經奴才等逐加斟酌凡有窒礙之處均為刪改而該代辦則以不敢擅專為詞又風

聞哈爾濱附近公司一帶地畝均被侵占當派署吉林分巡道文韞帶即前往哈爾濱察

看情形並與總副監工會商一切業於本年五月間附片陳明在案茲文韞於八月初六

日由哈回省將近察看情形並反覆磋商各事稟覆屢奪前來奴才等查哈爾濱總車

站原占地方寬八里廣四里約計三十二方里前已咨呈總署有案嗣該站挖濠又拓占

不少現時俄總副監工復欲占拓地面繪圖劃分界綫約計拓廣至周圍五十餘里經文

韞再三辯駁未允退讓設局一事議定於哈爾濱仍設總局各段監工處各派專員設立

分局均歸總局節制所有局中經費仍照舊章由該公司籌給津貼惟前次總局專管鐵

路交涉此次該總監工等增改章程凡正闕涉鐵路及連涉鐵路之命盜雜案及一切交涉事宜無論距哈遠近均須歸局經理免致移交地方官會辦轉多遲誤奴才等察覈所定章程尚無窒礙已允其從權辦理第局事如是繁重非有明敏幹練之員不克勝任向來派委該局總會辦必選熟悉交涉之員現既重修舊好局員尤宜慎選此次議派文韞為總辦花翎分省候補直隸州方朗為會辦查文韞守經達權深識體要方朗才識明練曉暢事機以之分派該局總會辦差使竇為中俄翕服或能因應咸宜第文韞現署吉林分巡道未克常川往彼經理所有總辦事宜即令方朗就近代辦遇有要事隨時飭令文韞前往會商以昭鄭重目下佔地一節最關緊要應俟方朗至彼面商妥協再立合同以杜將來增佔其局中一切經費並俟議定報明立案除將前繳關防劄發方朗帶往設局開辦並將合同咨呈軍機處外務部查照外所有重添設總分局並增改章程緣由理合恭摺具陳伏乞

皇太后

皇上聖鑒謹

奏 光緒二十七年十月二十一日奉

硃批外務部知道欽此

○黑龍江將軍薩奏重設鐵路交涉局並增改章程摺 光緒二十八年

奏為重設鐵路交涉總局並酌設分局增改章程緣由恭摺仰祈

聖鑒事竊奴才於光緒二十七年十月間專摺奏派前湖南候補道周冕為鐵路交涉總辦前往哈爾濱與鐵路總監工商辦交涉事宜十二月十四日賫回原摺奉

硃批外務部知道欽此欽遵在案當該員赴哈爾濱之初其總監工茹格維志等先以從前派員未協並未保護為辭意在詰難經周冕極力辯白於是總副監工等援照吉林新訂章程酌改舊章擬有合同十一條周冕詳加斟酌刪其窒礙不符之語而於黑龍江省關繫重要之處量為增入再三商榷草議章程十二條該總監工等派其代辦達聶爾偕同周冕賫送到省經奴才核妥定議查章程內所載哈爾濱設立總局各段監工處派專員設立分局均歸總局節制所有局中經費仍照舊章由該公司籌給津貼惟前次設局專管鐵路交涉此次該總監工等所擬凡經涉鐵路及牽涉鐵路之命盜雜案均須歸局經理免致移交地方官會辦轉多遲誤奴才查鐵道橫穿黑龍江省二千餘里惟呼蘭齊齊哈爾呼倫貝爾三處離城較近此外或千餘里尚未設官或數百里本無村堡遇有案件不但該公司惠其周折即奴才與各城副都統亦均有鞭長莫及之虞蓋鐵路一通中外雜處較之從前治理旗民其繁簡難易迥不相同故當鐵路干涉之事悉歸鐵路交涉局經理如其事情重要及罪闕流徒以上均稟由奴才覈奪似於江省情形較為妥協且亂後通事之害最烈故章程內必先提清名目以免日後遇事狡脫庇護至鐵路公司購買應用

地畝以前未經稽核曠土太多尤易私佔並風聞有奸民嗜利暗中指地售與俄國商民情事所以此次定章再三磋磨增入一條聲明無論滿蒙漢之官地公地私地凡係鐵路購置均將各色契據送由鐵路交涉總局驗明蓋印既為補牢之策而現在鐵路兩旁趕緊招墾冀可以嚴稽察而免轉轄此奴才派員總辦鐵路交涉察覈章程增設定議之大致也其各局一切經費俟議定報明立案除將前刊關防劄發周寬設局開用並將合同咨呈軍機處外務部查照外所有重設鐵路交涉總局並酌設分局增改章程緣由理合恭摺具陳伏乞

皇太后

皇上聖鑒謹

奏 光緒二十八年三月十九日奉

硃批外務部路曠大臣議奏片併發欽此

○礦務門

○俄新撫饒奏塔城金礦辦有成效並開辦東新興礦務摺 光緒二十七年

奏為夥辦塔城金礦已見成效謹將先後撥發經費並來年應攤廠費加購機器開辦東新興工礦務情形恭摺具陳仰祈

聖鑒事竊 臣 上年議與俄商墨斯克溫夥辦塔城金礦各先出成本銀三萬兩業經

奏明允准在案當委候補知府桂榮與俄商帶同工匠人等至喀圖山內新興工設廠修屋

開路採礦挖煤購糧運機安槽至年底始具規模粗有頭緒而用費已不資矣至本年正月下旬甫行開機試輟每日輟舊挖砂石一千或數百蒲筭計重二三萬斤得淨金一三三四兩不等據署布政使潘效蘇署鎮迪道兼按察使銜李滋森申據俄商請加發銀二萬兩核與原議初二兩年各攤五萬兩數目相符准其照數撥解嗣據金廠委員桂榮申稱購買新機添蓋房屋俄商已多出銀四萬餘兩懇請補發二萬餘兩臣因礦務漸見興旺核與原議第十五條加發成本之約相符亦飭司妥議撥發催令加工輟洗據廠員按月申報自正月二十六日起至閏八月底止共洗得淨金五百數十兩業經臣附奏在案旋因大輟槽先未安設堅穩漸輟漸塌乃停機拆發重安刮去金盤積金十二兩安妥後於十月初一日開機輟洗晝夜未許稍停仍飭按旬申報俟年底結算再行據實陳報茲據桂榮申稱俄商墨斯克溫函稱估攤二十七年礦費並擬添設輟槽加購各項機器應攤六萬六千一百三十八兩又稱現廠之東新興工尼格徠地方礦汎暢旺為喀圖山各礦之最擬令礦師督率匠規先就該處上面礦坯採取即在底廠試行輟洗現止輟槽二具合計一應花費尚屬無利有虧必須多添輟槽可望獲利在原採礦汎之俄五里內添三輟大槽二具明春在該處掘井如果暢旺即在該處安設四槽否則底廠四里內加設輟槽二分估計運脚修房等費各應攤銀四萬二千八百二十四兩如此辦理方有利益等情轉請核示前來臣查該商所議共應攤銀十萬八千九百餘兩為數過鉅批飭布政

使文光兼按察使銜李滋森妥議去後茲據該司等詳稱開辦金廠現經兩年已有端緒雖所獲之金未能驟償成本而事屬創始尚冀收效將來若不准所請則俄商從前虧累勢必藉口求償於新不如即如所請將光緒二十七年應攤礦費及開辦尼格徠新礦應攤各費銀兩一併照數籌解交庫爾喀喇烏蘇廳存儲由該廠取用具報等情詳覆前來臣維金礦為利源所在試辦既有成效若因攤費甚鉅因而中止則新疆自有之地利此後無由開辦而兩年已費之工程廢棄亦殊可惜查外洋開利之事每不惜數百萬金世攻其業即漢河金廠亦創費數十萬始收其利益茲費纔數萬已收效十分之一無論將來利益正未有窮即就目前而論新疆金礦為各國所豔稱外人尚不惜重資以圖後效若不圖自強半途而廢徒為有識竊笑且慮彼欲獨專其利更難拒其所求計惟有堅忍圖功勉盡人事以冀天不受道地不受寶開窮荒未興之民利以裕邊陲自有之餉源已飭該司等仍由軍需項下騰挪支撥解用並飭廠員會同俄商妥為辦理所有先後撥發塔城金礦經費及明年應攤各費並擬開尼格徠礦務攤費各緣由是否有當謹據實陳

奏伏乞

皇太后

皇上聖鑒訓示謹

奏

○俄外務部奏吉林礦務華俄合股辦法摺

光緒二十八年

奏為遵

旨覈撥恭摺仰祈

聖鑒事竊查吉林將軍長順等前奏俄員請合辦吉林礦務議定草約摺內聲明請旨飭下議和全權大臣及礦務總局速議覈覆等因光緒二十七年三月初五日奉

硃批著照所請該衙門知道單併發欽此維時因東三省大局未定未暇議及現在事機就緒

自應照章覈議

臣

等伏查吉省礦產富厚亟宜開濬利源第華商資本不敷舉辦尚無成

效誠如該將軍原奏所云專恃華股終難集事惟草約十四條語意簡略尚有應行聲明之處如第七條載新採礦苗須指明地方段落約定界限再行開辦等語既云約定界限自應聲明指出礦地若干處所除所指地段外如華人自辦或願與他國人合辦均聽其便似此劃清界限則第一條不准他國入股一語係專指此次所言礦地界內而言俾將來不至有所牽混而外人亦不疑其專利至原奏內稱所有開辦詳細章程俟核定後再當隨時擬議奏明辦理又約內第八條載應商之件尚須俟查明開單再議第十四條載以上所議章程須俟奏明奉

旨及咨礦務總局照准接到回文再行開辦各等語是此次草約尚不能作為開辦之據相應

請

旨飭下長順等與俄員切實磋商將原約第七條添叙明晰并令指定曠地再與妥議詳細章程奏明辦理以期詳慎所有臣等覈覆緣由理合恭摺具陳伏乞

皇太后

皇上聖鑒謹

奏 光緒二十八年四月初三日奉

硃批依議欽此

○俄外務部奏吉林煤礦應令另議辦法片 光緒二十八年

再准軍機處抄交吉林將軍長順奏鐵路公司議辦煤礦訂立合同一摺光緒二十七年十月二十一日奉

硃批外務部知道單併發欽此查原奏內稱目下吉林界內鐵軌已通火車暢行以商民所開煤窰尚少難以敷用悉砍林木伐煤不特難資經久且將通省林木悉作火柴亦於地方有損是以俄總監工茹格維志前遣其代辦達聶爾來省請在附近地方開挖煤礦以保林木當以煤為鐵路必需之物不得不允其開採現與訂立合同十二條彼此畫押存查等語臣等伏查此項合同已經

盛京將軍與俄監工援照訂立奏交臣部核覆經臣等以合同第二條所載鐵路兩旁三十里外之煤礦漫無限制請將該合同無庸置議應令與俄監工另議辦法就三十里為限并聲

明三十里以外無論何人開採煤礦該公司不得與聞業於本日議覆增祺等摺內請
旨飭遵伏候

命下由臣部咨行吉林將軍一體遵照辦理謹附片具陳伏乞

聖鑒謹

奏 光緒二十八年四月十二日奉

殊批依議欽此

○黑龍江將軍薩附奏東省鐵路合同第六條應聲明專指煤礦而言片 光緒二十八年

再光緒二十二年七月二十日原訂東省鐵路合同第六條業經准其開採各礦是東省
礦務係屬該公司已得之權此次商訂鐵路兩旁開礦章程經奴才督同前湖南候補道
周冕竭力磋磨作為專指煤礦別項礦產不在其內查原訂合同有開出礦苗處所另議
辦法等語可否請

旨密飭外務部路礦總局於另議開礦辦法時一律聲明專指煤礦而言藉可自保利權免致
漫無限制惟鐵路兩旁三十里開煤礦一節該公司恃原訂合同鐵路附近一語輾轉要
挾恐其再以吉江兩省成案又復要挾他處且恐各國復援鐵路章程別有需索之處皆
不得不預為防範奴才考泰西通例凡外間互立合同若非經國家給予全權如其有關
大局均可由政府駁詰更改此次江省援照吉林與鐵路權議煤礦草約應請

救下全權王大臣等詳加覆核以期妥協是否有當理合附片密陳伏乞

聖鑒訓示謹

奏 光緒二十八年三月十九日奉

硃批覽欽此

○外務部議覆黑龍江將軍薩泰鐵路公司需煤孔亟查照吉林原訂合同議立晒煤章程

摺 光緒二十九年

奏為遵

旨議覆恭摺仰祈

聖鑒事竊臣部准軍機處鈔交黑龍江將軍薩保奏鐵路公司需煤孔亟查照吉林原訂合同

議立晒煤章程一摺光緒二十八年三月十九日奉

硃批外務部路礦大臣核議具奏片併發欽此嗣於四月二十五日准黑龍江將軍將合同咨送到部查原奏內稱中俄合訂東三省建造鐵路合同本允其辦理路旁礦務兵燹後又屢以為請上年夏間准吉林將軍函送新訂鐵路辦鑛章程十二條旋准總監工茹格維志來函亦將章程鈔送並派其代辦達聶爾携帶所擬礦務合同前來催促高辦因飭文涉局總辦周冕與達聶爾會議迭經辯駁不肯刪改達聶爾謂勘挖煤鑛實因鐵路需用起見非為與華人爭利現江省火車汽機以木代煤砍伐林木於旗民圍獵生計有礙從此取煤

於地勿再求木於山似亦該公司和平辦法與之辯論多日始行援照吉林從權定議請飭下全權大臣外務部暨路礦總局將章程詳加覆核再行奏明辦理等語臣等伏查東省鐵路公司議辦煤礦前經盛京將軍以俄監工催定合同原照吉林訂立奏交臣部核覆臣等當以該合同第二條鐵路附近三十里之煤礦漫無限制核將該合同無庸置議應令與俄員另議辦法並聲明三十里外煤礦無論何人開採該公司不得與聞業於四月十二日議覆請

旨飭遵並於同日附奏吉林原訂合同應遵照議覆盛京將軍摺內辦法等因均經奉旨依議欽此欽遵各在案查江省合同亦係援照吉林訂立現既經臣部將吉林煤礦合同議令妥商改定江省事同一律應請

飭下該將軍咨商吉林將軍應照部議改定辦法另與俄監工續行商改以免兩歧伏候命下即由臣部咨行黑龍江將軍遵照辦理所有臣等遵議緣由理合恭摺具陳伏乞

皇太后

皇上聖鑒再此摺係外務部主稿會同路鑛總局辦理合併聲明謹

奏

外務部議覆黑龍江將軍薩奏俄員催辦江省鑛務勉訂採苗草約摺

光緒二十九年

奏為遵

旨議覆恭摺仰祈

聖鑒事光緒二十七年九月二十九日署黑龍江將軍薩保奏俄員催辦江省鑛務勉訂採苗

草約一摺奉

硃批外務部議奏單併發欽此由軍機處鈔交到部維時因東三省大局未定未便議及現在
事機就緒自應分別核議臣部業於議覆吉林將軍議訂中俄合辦鑛務草約摺內聲明
在案查薩保原奏內稱俄國辦理吉江兩省交涉官劉巴及科洛特科福先後送到吉林
辦鑛正續章程未幾科洛特科福來此又以吉林已奉

旨俞允另擬江省章程屢催照辦當經力與磋磨權議草約由該俄員於照會內首先聲明此
約不過令鑛師採勘辦鑛章程應俟

國家允准俄人在江開辦方能議訂至草約十四條除與吉林所議不甚懸遠各條外如第四
條不能保護一說因江省現尚兵械兩窮不如從直聲明免生枝節第六條地價一節議
令將來提餘利百分之五作賃地之資該俄員允先列公平給價一語俟奉准開辦再議
第八條報効之數與寬河定章尚屬相符第十條所指准給採苗執照各處係在省城以
北與東路松花江下流一帶因已辦之金鑛如漠河奇乾河觀音山都魯河寬河以及雅
魯河綽爾河等處或係已成之局或屬粗有眉目均未便遽讓外人而俄員注意漠河觀
音山等處當以該各鑛屬在愛琿界內照案應由北洋大臣主持未敢越權擅議是以有另

議各該鑛條程咨送鑛務總局核奪之說相應請

旨飭下議和金權王大臣及鑛務總局核覆嗣後如有另議漠河等鑛條程送到再奏請

諭旨遵行等語^臣等竊維黑龍江省土脈雄厚鑛產富饒久為俄人所歎羨值前此變亂之際

彼輒以兵力挾制冀遂其圖利之私該將軍與俄員竭力磋商勉訂採鑛草約給發執照指定地段准其前往採勘仍聲明俟

國家允准開辦再與議訂章程原以目前因應之方留日後補救之地臣等查該約第四條載採
勘金鐵煤各礦苗之人凡遇地方一切危險之事中國地方官現在不能保護伊等須自
行防備抵禦等語在當日俄兵暫駐尚無撤退之期該省兵械俱窮勢難保護如原奏所
謂不如從直聲明免生枝節現在俄約已定撤兵有期應於此條下載俟俄兵撤退後仍
由中國地方官自行派兵保護等語以杜干預侵越之弊至第六條地價一層既據聲明
俟開辦再議屆時自應酌定數目妥立章程以期公允第八條出金百兩報効中國

國家十五兩核與寬河金廠章程相符自可照准第十條指定自齊齊哈爾往上及呼蘭河口
以下與都魯河口以上等處各分起止尚非包攬全省其餘各款與吉林所議不甚懸殊
至鑛內雇用華工及商農生業均歸華人營幹各節另備照會聲明較為切實惟該約祇
准採勘鑛苗並非開辦章程故不無簡略之處相應請

旨飭下黑龍江將軍將此次所訂草約添入中國派兵保護一層并與俄員預為聲明嗣後議

訂開辦章程均須遵照中國定章俾就範圍而維權利所有臣等遵議黑龍江將軍奏俄員催辦鑛務緣由理合恭摺覆陳伏乞

皇太后

皇上聖鑒謹

奏

○外務部議覆黑龍江將軍薩泰俄員覬覦漠河及雅魯河等處鑛產密陳因應情形摺奏為遵

旨議覆恭摺仰祈

聖鑒事光緒二十七年十二月初四日署黑龍江將軍薩保奏俄員覬覦漠河及雅魯河等處鑛產密陳因應情形一摺奉

硃批外務部議奏單二件併發欽此由軍機處欽遵鈔交到部據原奏內稱前與駐江俄員科

洛特科福議訂嫩江一帶採鑛草約無非為拓利源保成局起見故於草約內聲明漠河

等處另擬條程咨送鑛務總局核奪嗣該俄員忘其原議欲舉呼倫貝爾黑龍江及呼蘭

三城鑛產而盡予之派員與議該員始終要索其各武員又時以金匪為害沿江交界及

鐵道各處相詰責科洛特科福復有認還從前漠河股本之議爭論兩月之久該俄員始

以日後開辦除照前訂草約每出金百兩報効

國家金一十五兩再按所有餘利每百兩提給漢河等處舊股百分之十再提地租百分之二准其設公司五處採辦額爾古訥河與黑龍江右岸所轄鑛產連漢河等處在內請將所送草約畫押給照可逐金匪以安地方等因照會前來現當兵械兩窮金匪滋事不得不權事羈縻以保已成各廠因以呼倫貝爾黑龍江兩城鑛產悉歸北洋大臣主政不便擅擬今既為願驅金匪起見惟有將先前未經開辦者暫行發照採苗其為北洋大臣已經派員開採之處無庸採勘並令該俄員擔承將各該廠金匪一概禁逐等語覆之並於執照內聲明採苗限期俟鑛務總局北洋大臣請

旨奉文後再定業據該俄員照覆已將執照發訖等因臣等查漢河等處為江省產金最旺之區前經北洋大臣派員開辦歷有年所餘利報効藉充軍餉為款頗鉅自不能讓給外人業經該將軍與俄員商允剔除尚於已成之局無礙惟禁逐金匪概由俄員擔承當因江省兵械兩窮不得不為一時權宜之計將來時局大定仍應自行整頓勿使彼族有所藉口致礙主權至原奏所稱雅魯河綽爾河兩處俄商且納那也夫與華商金利源盛大昌等合辦金廠一節金利源等開辦之人現既不知去向則前將軍恩澤給照之後該華商集股若干動用成本若干勘得金苗幾處無從查悉此次華俄合辦俄商究與何人訂議是否兩相允願應由該將軍飭查明白以昭核實臣等復查該俄員等先後占地過寬不無窒礙惟該將軍所給執照據稱業與訂明只准採勘不為開辦之據應俟將來勘竣

請予開辦時令其繪圖貼說咨部酌核再由臣部奏明請

旨定奪所有臣等遵議緣由謹繕摺具陳伏乞

皇太后

皇上聖鑒謹

奏

○郵電門

雷政類

○北洋大臣李奏與俄接連電線定約摺

光緒十八年

奏為遵

旨與俄國使臣妥商中俄邊界連接陸路電線訂定約款恭摺具報仰祈

聖鑒事竊臣於光緒十八年三月二十八日准總理各國事務衙門咨以俄國使臣喀希呢赴

總署申請議接海蘭泡琿春等處陸路電線請派大員會商辦理奉

硃批著派李鴻章與俄國使臣妥商奏明辦理欽此欽遵臣即劄派總辦電報事宜津海關道

盛宣懷與俄使所派之駐津領事官王厚在津商訂磋磨數月議定華洋文條約十款大

致與前任俄使庫滿所訂草約十一款不甚懸殊當將議訂接線條款一併抄咨總理衙

門詳加覆核悉臻妥洽本年閏六月十五日已由該衙門抄錄條款進呈奉

硃批依議欽此並由該衙門繕譯清文咨送到臣即由臣處照繕漢文於七月初四日在津先

行畫押蓋印交俄領事寄京與俄使喀希呢印押其俄文法文則由該使在京先行畫押蓋印仍交俄領事寄津與臣印押齊全已於七月十五日各自分執臣查中國陸路電線創自光緒六年經營十餘年布滿各省瞬息萬里官商稱便惟丹國大北公司海線先於同治十年由香港廈門迤邐至上海一通新加坡檳榔嶼以達歐洲名為南線一通海參崴由俄國亞洲旱線以達歐洲名為北線俄丹早有連線之約嗣後英國大東公司水線亦由福州至上海英丹復有合辦之約其始英丹兩國湊集巨款製造水線來華原欲併收中國通商各口之電利故同治九年英使威妥瑪曾有各海口准其設立水線之議逮各行省自設陸線併拆去英丹在滬粵已成之陸線彼乃知中國已能自守境內之權利不可復奪遂欲獨專中國與外國往來電報之利迨我之吉林黑龍江綫成與俄之東海濱境內咫尺毗連該公司深慮中俄線接分奪其生計惟恃俄丹交密並有海參崴約章在前俄雖欲自利仍不能不保護丹國之利而各國洋人之在中國者聞中俄接線皆願陸綫與水線跌價相爭使洋人寄洋報可佔便宜此不特俄丹所不允即中國電局亦無力與之跌聞且丹英水線到中國已二十餘年彼洋商無法使水線跌價亦何能獨使陸線跌價以遂其漁人得利之謀現在中俄定議上海福州廈門香港該公司本有水線處不與爭跌留其生計該四口以外各口電價亦不准水線公司爭跌庶使華線略分其利如以後水線減價則中俄電線亦同時照減辦理甚為平允臣與總理衙門往返函電互

商均屬妥協至展造恰克圖線應用造綫經費甚鉅並常年養綫用款繁重擬飭總辦電報事宜盛宣懷勸諭華商電報公司設法添招商股二十萬歸商認辦以免另籌官本以後邊界既經接綫凡京津等處出洋電報必須將京津等處至海參崴琿春恰克圖內地報費由我酌量全行豁免祇收條款內應分來往經過之電費自應仍歸華商電報公司收取除抵過豁免內地報費外即以抵展造恰克圖電綫經費及以後此綫常年修廵之費以期持久而免廢弛此又中俄接綫以後所擬之辦法也所有議立中俄接綫條約二分以一分咨送總理衙門以一分存留臣衙門備案理合專摺由驛覆陳伏乞

皇上聖鑒訓示謹

奏

○外務部奏中俄陸路接綫展限續約畫押事竣摺

光緒二十八年

奏為中俄陸路電綫相接續議展限條約遵

旨畫押事竣恭摺覆陳仰祈

聖鑒事查中國東三省邊界與俄境東海濱毗連前訂琿春海蘭泡電綫與俄綫相接條約本年已屆限滿之期俄國使臣雷薩爾請訂展限續約四條經外務部於本月二十四日奏請

派員與俄使畫押本日奉

殊批著派慶親王奕劻畫押欽此旋經督辦電綫大臣盛宣懷將繕就漢洋文約本派員賚送到京奴才當即轉知俄國使臣雷薩爾於本月二十八日會同畫押蓋印訖除咨行盛宣懷按照條約飭局遵照辦理外所有中俄陸路接綫展限續約遵旨畫押事竣緣由理合恭摺覆陳伏乞

皇太后

皇上聖鑒謹

奏 光緒二十八年十一月初一日具奏奉

殊批知道了欽此

○外務部照會俄國行軍電務處收遞商報有違定章請查明禁止文 光緒二十九年

為照會事光緒二十九年閏五月初五日准電政大臣咨據上海電報總局稟稱查俄國派駐北京郵政司在北京城內收接商家電報由火車郵寄山海關交東三省俄綫遞至俄國或經過俄國而至他國收取報費略加郵資又聞俄國行軍電務處在京津兩埠收遞商報取費極廉核與中北齊價合同所定報費不符有妨電局權利應請設法阻止等情查核行軍電務處係借中國鐵路電桿添掛一綫在中國原係顧全睦誼通融辦法乃擅收商報致侵中國利權應請照會迅速嚴行禁阻等因前來本部查上年八月間中俄兩國商定交收山海關等處鐵路章程第六款內載營口山海關北京一路所載鐵路綫

桿上安設電綫一節應照中英兩國所定交還鐵路章程第八條辦理等語是此項電綫專為俄國武官衛隊發遞官報而設不應收發商報茲准電政大臣咨稱前因該處接收商報未免有背定章且與中國電局權利有所妨損相應照會

貴大臣查明禁止並希見覆可也須至照會者

右照會俄國公使

○電政大臣袁等咨中俄接綫續約內有舛誤請為更正文

光緒三十年

為咨呈事據電報總局朱道寶奎等稟稱竊職道等案奉光緒三十年正月十四日憲臺
劉開光緒二十九年十二月二十六日准

外務部咨開光緒二十九年十二月十七日准俄國雷使照稱光緒二十八年十月二十八日在北京訂立電綫續約第二款內開將來應照倫敦萬國公會所訂者再行商改又第三款內開中俄兩國專遞來往電報之資應同時跌減由兩國國家訂定茲准本國政府來文內開倫敦公會已將各章商定凡西歐與中國來往各報及經過亞俄等處報資均各有跌減由西曆一千九百四年七月初一日施行已經於本年西曆七月十五日通行等因本大臣請貴國政府亦應按照本國辦法將與俄往來各報每字取一法郎克作為中國報資此跌減之報資應於簽字續約之後立刻施行並抄附續約底稿等因前來相應照錄原照會並續約底稿咨行貴大臣查照酌核辦理即行咨復本部以便照覆該

使可也等因到本臣准此除咨吳大臣外合行劄飭到該局即使查照迅速核辦具復以憑轉咨切切此劄計抄單等因奉此職道等遵即詳細覆核當以俄使所咨華文合同一稿譯辭不達未易指實事關中外接綫未便含糊先行先後由函電稟明憲台索閱該合同法文全稿在案昨據駐京洋總管何倫索稿郵寄來滬職道等即與洋參贊宋納悉心校核始知第一款內甲乙減價數條尚有舛誤之處緣去年倫敦萬國電報公會會議中美來往報費每字七法郎克並未減跌該稿所列誤會減價自應亟為更正俾美國與中國來往報費庶與去年公會會議價目相符且於兩國報費互有利益應請

憲台咨明

外務部照會俄使查照辦理俟其覆文到日自可將全稿定議擇期繕正簽行所有中俄接綫續約合同來稿減價數條內查有舛誤應請咨會更正緣由會商楊京卿意見相同理合肅稟具陳並將增改各條另清手摺附呈憲閱伏乞鑒核施行再前項情節誠恐稟牘郵寄往返需時業已先電駐京洋總管何倫飭其預函知會俄使接洽合并聲明等情到本大臣據此除批據稟核議中俄接綫續約合同來稿減價數條內有舛誤請咨更正候將呈送所擬增改各條抄單咨呈外務部照會俄使查照辦理繳等因印發外相應將增改各條抄單咨呈

大部謹請查照辦理見覆施行須至咨者

右咨外務部